





祝氏集畧序

自昔文蔚吳中寸臻江左言偃業于



孔氏獨得精華厥后嚴朱並緯漢典
顧陸競採晉庭方朔寓為書師伯喈
隱茲談藝彬之盛矣其為俗也民有輕
心士多師古伎尚奇巧物必精良故覽
左生之賦而驗山川之巨麗誦平原之

詩而測土風之清嘉考持正之序而觀
氣狀之英泚至乃翕輕清以為性結
冷汰以為質煦鮮榮以為華美稱竹
箭粲等春葩且至德造自秦伯峻節
亮於延陵故士之生也注、玩睨壽服
跌宕琴史雖韜標未遇而撰綴不綴
申孤憤於一躬流芳聲於千載此王

孫之謂我子子者也余家食時蓋聞
祝枝山云迨遊京師每學士大夫持其
片言寸翰爭相傳眎咸加意賞惜乎
未覩其全也丙辰之秋叨奉

簡命來按茲邦軍旅之暇躬歷山川
周爰土風延眺氣狀其嘉麗英泚固
無爽於乘謀所載也奇巧精良物產

工師猶昔也握珠抱璧文獻之彬具
在也問詢所謂杖山公者則已物化三十
載矣而公之元子方伯續謝秋屏居六
久矣訪其處蓬逕蕭然也索其籍珍
叢篋中也翰墨僅存其一又蠹所殘
缺也蓋公少為魄不事家業而方伯克
守其祖參知公清白之遺力莫能梓

翰墨為時所重書竟人皆持玄家無
餘也世徒其矣矣某公諱允明字晞
哲性靈夙授椽敏默成五歲而手作
徑寸之書九齡而目兼如行之覽稍
長益萬於學夏無卷惟冬有穿榻
遂綜貫百氏鉉析九流方鏡玄緇覃
研緝素館翰使未譯爾雅闕載廉

不究而習其說焉其為文也牙腴融於
心極醜績矚於辭鋒鋒取無竭源叩有
餘響分吏占牘則十紙互通對客揮
毫而千言立就同時乃有楊儀曹之
博極都太深之冲澹徐迪功之俊婉
唐文士之縱誕公將孟之自謂取高
第反覆掌耳乃僅舉於鄉晚歲試

宰興寧超倅京兆著有異績皆非所
好也因自免歸而四君者仕罔通顯業
並終窶謂非伯季之風節汲之然亦
諦閱公集述道法則闡而弗晦紀象
緯則覈而有徵論政治則可推而行陳
事情則委曲而款談名理則標顯慧
宗志靈怪則不誣幽祕至支賦綺靡而

有則詩藻贍而寄深翁託諷以感物
聲諧律以赴節神揮匪襲肺吐必
新體裁具備意無不逮者矣鴻匠如
公不獲振鷺羽於彤階奏鳳音於清
廟六命也方王文恪掄材之初得去卿
揚譽之日豈直以鉛槧書聲棊思
欲銘彝鼎而不耦者也悲夫、再閱

大遊一篇則又譎蒙叟之危言陋公
孫之縵辯逸騁離龍指深喻馬探其
襟抱將技搖宇內豈區、搶掄所可
控而嘆哉昔魯南披卷以臨麾燕公
視字於戎幕予媿非其人悼注指之
不作而懼斯集之久溘也又先大父与
方伯公同登進士忝茲世祖圖為饒

梓吋則蘊兮雲中湛若飾吏古文
樂任其事用廣其傳云集之分類凡
十有二曰發賦曰樂府曰古調曰歌行
曰近體曰古體曰論議曰書牘曰碑版
曰傳志曰紀敘曰劄教勒為三十卷總曰
祝氏集略皆公手自編定富矣哉其
四明著作都未閑於發賦唐則為章
拜寥楊復簡帙發其傳者徐集耳
公別有祝子通祝子羅知蘊林小纂浮
物蠶衣太中送子野記無寧孫志
祝子微祝子稌活怪慙鐸音江海殲
渠記多未遑及沒有好事者因予興
起庶搜輯厚玉不艾韞獨名山也是
為序

嘉靖丁巳五月十有一日奉

勅總理糧儲提督軍務通巡撫應

天等商地方都察院右會考濟

史晚學眉山張景賢謹撰

祝氏集畧目錄

第一卷

騷賦

大游賦

第二卷

騷賦

訪隱

思兒子歌

谷往賦

罪賦



傷賦

秋聽賦

蕭齋求志賦

知秋賦

脩夕詞

蓮花洲詞

江洲書屋詞

龍歸辭

一目羅賦

懷遇賦

望韓

蘇臺春望賦

飯苓賦

棲清賦

余侍御游靈巖賦

石林賦

南園賦

一江賦

哀孝賦

擬齊梁內人送別贈拭巾賦

顧司封傷寵賦

第三卷

樂府

從軍行

前緩聲歌

董嬌嬈

盧姬曲

邯鄲才人嫁為厮養卒婦

隴頭樹

驄馬驅

關山月

雉子班

天馬來

隴頭水

吳趨

柳枝 六首

林鳥 二首

古調

秦風

詩 五首

雜詩

述言行情詩 五十首

金蘭操 二首

和陶淵明飲酒 二十首

秋懷

己巳閏九月十三夜夢中為游山詩

春日醉卧戲效太白

別唐寅

夢作月山獨步歌

擬傷亂

代江南水災謠

九愍 九首

水詩

沈憤

知山堂雅集

雪後楊禮部邀宴用謝宣城韻分得濁字

召父歌送朱版曹 升之 守延平

第四卷

古調

夙駕邁皇邑

不祿氏集卷之四

怨詩

京館登樓眺遠

舟行汶上薄暮看月作

自京師南赴嶺表仲冬在道中

五十服官政效白公

夢游

讀余侍御游泰山記詠其間三四處

方烈婦詩

龍川山中早行

莆田鄭殿中綠野亭

贈倫解元 三首

贈王翰林 思

題黃山人詩卷

吉湖口湯泉

鷄黍詞

讀嘉靖改元 詔書并閱邸報 臣 敬作詩二

首

過湖

溧水官舍

出高淳縣望寶積寺塔

喜雨篇送推官李公

送盛斯徵中丞巡撫江西

送徵明計偕御試

鶴章

夏日林間

泛舟登郡西諸山作

雜吟四首

賦得春陽曲戲柬天文

秋日作

偶述情事

為張孝廉題留犢圖送吳邑楊明府

夢唐寅徐禎卿亦有張靈

賦得君馬黃送黃翰林才伯

又絕句二首

詩四首

答黃魯曾

懷知詩十九首

挽歌詩

寶劍篇

黃金篇

八詠

禁省 宮觀

軍戎 飲少

田家 宮闈

漁釣

禪林

太行歌

金臺

漂母祠

題隱士山居

唐人寫胡騎圖

家藏馬遠春山行樂大幅

戴文進松崖

劉西臺 丑 畫松

題畫 一首

秋山琴月圖

詠新安許氏石潭

次韻得之看梅

草閣玩水圖

神游篇贈黃勉之

尚書內相毛文簡公挽辭

第五卷

歌行

長安秋

呂梁行

濟陽登太白酒樓卻寄施湖州 聘之

歌風臺

清溪宮夢仙吟

繼盧全體作星孛詩

答孫山人 一元 寄吟卷歌

送徐先輩 中行

招鳳辭送彈琴楊三游金陵

王右丞山水直蹟歌

任月山九馬圖歌

俞漢遠雲山圖

曹民部藏何太守山水障歌

戴進風雨歸舟圖

唐寅畫山水歌

暮嶺歸樵圖

董烈婦行

懷施侍御 儒 遂贈三首

送方行人 鳳 新擢南道侍御

北崖行

獨當奇處行

訟風

月泉篇

玉泉詠

將歸行

短長行

月烏篇

贈盛翰林

端明字希道

鳳凰篇

寄盛王二太史

王提醒畫古松歌

樂孺歌

孟玉礪畫瓜

題徵明寫贈潘崇禮灌水塞泉大幅

卧病懷勉之

又

閭門歌送郭令

首夏山中行吟

夢與表弟王制彛卿表甥陳鰲子魚散步河

曲鰲邀飲其室覺而賦之寫似二子

第六卷

近體

悲秋 三首

秋宵不能寐

丹陽曉發

旅情

江行 二首

長途

看月懷內

答錢二

代東園梅見嘲

燕京陌上游妓

京館聞鶯

宮詞

詠都城賃騎驢馬

自末春入初夏歸舟即事

沿潞河直達淮汴岸柳蔚然

黃樓

盧溝橋

法駕

卧病

宮詞

兒子續入對 大廷感激因賦

初集卷之四
兒子召試館職

兒子召試後忝竊收錄遂蒙 欽改庶吉士

留學翰林

舟中憶續

追和皮陸夏景冲澹偶然作

閑居秋日

婁江舟中迷夢續事狀

壬申閏五廿六曉紀懷

絕句

淚 二首

壬申夏夜不寐

醉

苦憶

對酒

山

詠牀頭劍

早春江行

乙亥五月五日王僉憲文明邀宴廬陵螺川

驛樓觀競渡

縣齋早起

縣齋

歸與

循州春雨

戲作口號

廣州戲題

丙子重九戲題

題廣州客邸壁間

戲為口號

廣州別表弟趙二 二首

巳卯春日偶作韓致光體

庚辰二月廿七日曉官窰舟中口號

危機

夜歸

看山

冒冷行役

次韻丘殿丞寄道友詩

句曲道中

傷

次韻蔣燁翁敏見贈 四首

口號 三首

卧病

無題

病卧北牖仰見飛鳶戾天忽然口占

寶夢

衰病

病閒

漢室

滄浪池

宿金山寺

夏日游慈雲寺

舟過故表伯父王氏宅前有感

秋晚由震澤松陵入嘉禾道中作

二首

泊嘉善東橋

途中即景

即景復為七言兩韻

錢唐玄妙道院夜賦

山窓晝睡

晚上吳山風雨驟至

赴報國院海會喜侯二葛大同集

追賦內相吳公邀往書石山中雜題

雨中句容道中喜看山色

寓黃輕車宅雨夜禁直歸因戲贈

與沈二秋寓建業山院夜話

嘲客舍山脚下井

幽州歲殘

暮春山行

萬安道中

贛州

上下灘

庾嶺寄謝江西白大參宗憲副

山人獻白鷗

思食豆腐

失白鷗

夏日城南郊行

游和山麻石巖

北郊訪友

過林頭看修竹數里不斷甚愛戲題

和王太學見贈

四首

登越王臺

惠州西湖

懷鄭河源自脩

三月初峽山道中

贈李士元

市汊阻風

宿茅峯

登千佛院塔

高淳道中

經舊游

詠公館花木

未足句

與白曲李令徐博士等夜飲

贈江秀才

宿攝山棲霞寺

三首

出湖見山

當塗歷陽溧水界中數還往遂懷李翰林

舟行守風阻險輒睡酣適成詠

謝楊大送梨花栽成

謝呂禹平惠玉鞭粉團花

中秋日燕客晚雨

十六夜召集

爲唐子畏索劍

簡趙西臺 寬二首

過鄭六不遇

送顧司封守開封

戲爲朱民部索壘

留別鄭上舍

吳文定公挽歌詞 三首

贈翁隱居

答日本使

第七卷

近體

簡伊僉憲

西臺伊公枉和贈篇至于再三重次呈答

與吳大 用飲酒

贈孫山人一元

贈俞隱君

寄謝雍

贈朱孝廉

方吳二子償金之什

友人郊墅

艇子

題龍歸洞

寄汝德周學二秀才

上元日喜晴柬董博士及諸秀才

神光山

贈王希賢秀才

謁張文獻公祠

峽山寺

潮州韓文公廟

次韻和湯公 迴鑿志喜之什

傳聞郊祀後 大駕復出疑信未得因用前

韻紀事一首

和顧憲副梧州謁韓都憲祠堂

夢故知

謝湯文守惠地黃煎

夢故人

和元和

東園訪梅已謝

愍時

寄吉安太守徐士元同年

懷陳鰲得句因寄
足夢中句二首

哭周院判

哭蔣燾

哭陸大叅

哭王麟

答史隨州

訪華光祿

廣川城

途中

故陳僉憲直道祠五十韻

題湯三城南莊子

道院樓子

贈太倉汪使君

登太倉州中山子懷故襄陽李使君

游武將軍園亭

贈邢奎

題衲子詩稿

太傅王公款月臺

南洲詞

武帝傳

卞將軍廟

鍾山

金陵眺古

太湖

虎丘 二首

包山

昆福寺

白蓮寺

崑山清真觀

滄洲姚家涵碧閣

贈鄧駕部

三月三日施侍御邀宴姚將軍莊宅即舊名

東郭草亭遺趾三首

金華見山亭

與胡二游海珠

雨窓有懷連韋二博士

戲簡連博士

題杭州蔣自容江湖游卷 三首

番禺留別衡明府公式

隱者

次韻郡守胡公太湖 二首

次韻郡守胡公闕城登姑蘇臺

又次登臺望虎丘諸山

哭子畏 二首

再挽子畏

送姜夢賓 二首

贈羅抱拙

贈張守之工部

戲為毛百朋索炭

題沈山人藏王舍人竹枝

夢噉菜甚美

贈承公

戲作紀夢

送楊禮部

觀湖宛轉思及友人

贈嘉興陳使君

東松江馬別駕

東嘉定王令

贈分司鈔關于戶部

送貳守曾公擢河南僉憲

重過元抑

贈董五

顧秀才陽山草堂

口占寄陸三

贈隣院深上人

送王先輩納言歸柳州

題人園居

東莊

客中以徽扇貺人

都門送施邦直歸吳興

贈同年趙繕部天常

贈鮑元卿

都門贈吳淵父

贈崔鴻臚

送戴戶部仲鵬督漕淮閩

長樂贈陳叅軍

次韻奉和左轄方公紫薇東閣之詠

答鄭河源見贈

春夜懷鄭河源

海珠寺送黃提刑

次韻答河源鄭侯見贈

借韻贈韋博士

又借韻自賦一首用呈諸公

答張掌教再次韻

送張掌教致仕歸臨江

第八卷

近體

寄李刑部子庸

送朝言邑博

送連邑博

送張大參

廣州贈龍鴻臚

口占贈徐聞令

廣州旅舍有懷提舉醴司王廷輔

為王提醴索墨

讀河源鄭明府公牒有感

寶應衡君公式授宰番禺在都諸君為燕臺

春餞之什君至粵出示允明倩為補賦

贈鐸生殷邦寧

贈安愚柳大中

次韻郭令虎丘千頃雲夜坐二首

遺安堂

喜友人過訪

贈杜三表弟

和孫二九日

贈觀

贈楞伽老僧

贈道士二首

送萬壽恩住持磧砂

送僧還山

送洽住天王寺李弟請贈

送謝幼和分教興化

送蘇瑾

和吳文定諸公聽琴聯句

靜女眠春曉

閨懷

無題

戲題秉叔燕月之什二首

秋夜曲

浩月

秋宵苦雨

錢園桃花源

菊圃

月潭

謝道士竹鶴齋

梅隱居

贈鐵柱宮閔道士

南浦驛送周訓

題葑門外馬生東谿

贈江陰方達之

簡楊三

金陵送徐子昭

故相延陵文定公孫仁冠弁竊喜為詩亦以遺之

見月

贈張卿

賀湯弟遷居

山行遇瘦石大叅因疾歸舍馳懷得句奉呈壽徐瘦石大叅七十

題徐子芳秋庭

詠梅雪

挽都良玉

挽沈材廣

挽陝婦人

壽陳叟

壽王貞齋七十

謝道士挽詩

月槎

松壽

海槎

題人扇

鴉

竹

水仙

芙蓉

含笑

辛夷花

芙蓉兔

啣蘆鴈

和日本僧省佐詠其國中源氏園白櫻花

牽牛花

鵲鴿

鷓鴣

宣宗皇帝畫馬圖

家藏劉松年小方

家藏李興宗毛女

小米山水

家藏高尚書松陰落澗圖

錢選水仙

子昂小景五首

吳鎮小筆

戴文進小幅

沈徵君遇小景 二首

邊文進翎毛 二首

為朱民部題陶成水仙

題徵明畫

徵明畫草

徵明墨菊

堯民小筆

金山圖

小景

題何大叅菊花圖卷子

戲題子畏墨竹

胡馬圖

省耕圖

子儋畫梅

琵琶士女

佇立士女

題畫二首

道士鷺

絕句二首

雜題畫景

第九卷

古體

篤初

三詒三首

達旨

夏后氏之圭

歸範

公孫暉伯為銘

探頤

耻偽

晉侯弗政

衛侯好內

感游

測玄

七悲文

序黨

道志

學共八首

時命

予先

冬宵美月文

鸞鷲訟大鵬文

箴銘

三箴

心舌共三首

筆

觀大銘

趙公羅巾銘

溧陽侯廟銘

梁太府卿鄭公湖山書堂銘

羅翰林墨池銘

紹興賜張魏公硯銘

休陽孫氏孝友堂箴

孝箴共二首

友箴

重恩堂銘

宜祿堂銘

植本堂銘有序

壽節堂銘

錫類堂銘

忠愛堂銘

聚玉堂銘

安雅堂銘

尊聞堂銘

受益堂銘

靳氏祭器祭服二銘

約齋銘

固交

理欲

別鄭惟益語

安晚堂銘

硯銘

止飲箴

酒銘

小酒卮銘

茗盃銘

不列國書目錄

卷

樗蒲銘

書鄭生書房壁

吳郡沈氏良惠堂叙銘

第十卷

論議

性論

為邦論

治亂論

古今論

國年論

後國年論

戲論

心氣體交養論

心氣體交發論

燒書論

學壞於宋論

管夷吾小論

燕昭王小論

稽叔夜七不堪論

第十一卷

不列國書目錄

卷

論議

讀宋史王安石論

載論

元臣論

趙孟頫論

楊維禎論

孔子廟堂續議

貢舉私議

奴書訂

斥仙

說吏

策問 二首

論高憲副義田事

約菴論

辯潘生為孝事

第十二卷

書牘

擬上天公書

上閣老座主太原相公書

上堂尊少宰四明先生書

宋史紀事本末卷之九
答人勸試甲科書

啣遇

示續

答張天賦秀才書

與張天賦秀才書

答鄭河源敬道書

與朱憲副書

與陸侍郎論捕賊事宜狀

復某達官勸會試事

復徐生

第十三卷

書牘

白郡侯林公為校勘郡志帖子

上俞都憲論備賊事宜狀

與興寧師生論鄉飲帖

與分巡黃僉憲

呈分守劉叅

與徐判

呈分巡顧僉憲帖

呈分巡黃僉憲

六月廿四日河源東鄭尹自修

與施聘之僉憲

上巡按陳公辭召修廣省通志狀

與唐寅

答梁文伯

柬何文西

柬錢二

答史隨州

與都穆論卻飯書

與施別駕書

與連博士勸勿食牛飲水書

柬韋邑博

復連博士

答韋博士 二首

請范簿

請連教與諸生

答盛檢院

復惠州邵司訓

九日請客

答毛尚書家訃

請會試友人小簡

請合志友人小簡

與休承

第十四卷

碑版

蜀前將軍關公廟碑

蘇州府城隍廟新井碑銘

鎮洋山碑

都帥郭公葬部人陳頤之碑

崔氏祠堂碑

無錫華氏濬二涇碑銘

淮晉氏先德碑銘

監察御史前長洲令俞君遺愛之碑

吳縣令鄺君遺愛碑

第十五卷

傳志

先妣陳氏夫人墓誌

東南人傳

九境畸傳

系論

昭武將軍上輕車都尉錦衣衛指揮使徐公

碑

顯妣武功伯夫人蔡氏祔葬誌代母舅作

王府君妻祝氏碩人墓誌銘

明故南京太僕少卿李府君室恭人王氏墓

誌銘

徐府君妻孺人高氏祔葬誌銘

外祖迪功郎江西安福縣縣丞陳公誌銘

登仕佐郎鴻臚寺序班湯府君墓誌銘

王烈母江氏壽穴銘

孺人王氏墓誌銘

湯永之妻徐氏祔葬誌

史在野墓誌

賀先生誄

仙華先生誄

第十六卷

傳志

元故成全郎江浙官醫提舉恒齋葛先生墓

表

葛先生墓補誌

明故文正書院主奉范公墓誌銘

薛先生墓誌

故處士顏公墓銘

錢處士誄

故詔旌義民錢公惟常遺像贊

記吾鄉二老者

金孟愚先生家傳

柳義士歸金贊

徐處士碣

韓公傳

朱丈人小傳

第十七卷

傳志

封刑部主事伊公傳

陳公季昭墓誌銘

潘公孟誠夫婦合祔之碑

文林郎南京光祿寺署丞李公夫婦合祔誌

銘

唐子畏墓誌并銘

秋月生小傳

燕山三士小述

熊先生小傳

徐君墓誌銘

周山人墓誌銘

處士金君墓碣

顧烈婦傳贊

文林郎河南汝寧府光州判官趙公墓誌銘

湯君墓誌銘

守齋處士湯君文守生壙誌

第十八卷

傳志

中憲大夫廣西南寧府知府蔡公行狀

伊府教授吳公妻宜人鄒氏墓誌銘

蘇州府醫學正科盛公墓誌銘

散官李公并室太恭人高氏合葬誌

方承事墓誌銘

王衛使哀辭

王氏招魂 代唐寅

朱守中家傳

施處士哀辭

侃齋徐公墓誌銘

素介隱誄

吳羅公壽藏之銘

劉介翁墓誌銘

處士丁君墓碑銘

第十九卷

傳志

程文林誄

劉時制墓誌銘

志謝可節墓并銘

癡雲子葬銘

張翁墓誌

王宗肅墓誌銘

孫功權墓誌

陶孟實墓誌銘

承事郎欽君墓誌銘

承事郎盧君墓表

趙君墓表

盛至剛墓誌銘

崔孝婦傳

陳子中室李氏墓誌銘

賢婦呂王氏墓銘

舉人謝君妻盧氏合祔誌銘

第二十卷

傳志

賀節婦家傳

李碩人墓誌銘

姜氏誌銘

故素天祿妻王氏令人墓誌銘

張廷潤妻錢氏墓誌銘

陸德芳室謝氏孺人墓誌銘

張文聲妻左氏墓誌銘

告殤穴從叔弟姪遷葬文

南海回祭先墓文

祭王文恪公文

趙姑夫啓殯祭文

祭錢處士文

兒婦祭其母文

祭王廷瑞文

吳氏新阡叙銘

不初以集卷目錄

王昌傳

義虎傳

第二十一卷

紀叙

丁未年生日序

自送會試序

偶然書

夢述

丁卯年生日記

祝文 二篇

宵冥記

動靜記

建康觀雲記

冬夕起坐小記

譙樓鼓聲記

興寧縣城隍廟碑

興寧水記

游羅浮記

越臺諸游記

懷星堂記

第二十二卷

紀叙

游福昌寺入佛殿後記

再游福昌談卧記

游雍熙寺雜記

杭州夏日以文會諸君從聘宅序

言醫贈葛君汝敬

知山堂雅集詩序

太倉州儒學記

重濬湖州塘記

邦侯晏海頌

江淮平亂事狀

河源尹鄭侯旌獎政績序

第二十三卷

紀叙

周氏隨侍 龍飛序

潘君子大水勸農圖記

梁推郡善政記

昨誦

江右平寇詩什刻行本後序

諷政

中丞周公致政詩什後序

休寧孫氏孝友堂後記

歙許氏孝義序

許氏感慈記

謝氏世德記

感慈詩什記

第二十四卷

紀叙

王氏復墓碑陰記

卧病頗究醫理畧說其意三首

書述

太倉州新志序

重刻鄂州小集後序

新刻龍筋鳳髓判序

重刊王著作文集序

伯時父史圖記

宋徽宗畫猫記

陳氏藏宋元名畫記

九歌圖記

畫魚記

新刻震澤紀善錄序

高陵編序

考德後錄序

遙溪詩集序

重刻中原音韻序

刻沈石田詩序

潛庵遊戲引

第二十五卷

紀叙

杜愨古易序

西洋朝貢典錄序

書漢唐秘史後

約齋閒錄序

洛溪崔氏族譜序

蘄州甘氏重輯族譜序

莆陽林氏世德圖序

江陰夏氏新輯族譜序

跋鍾元常薦焦季直表真蹟

跋定武蘭亭

跋王方慶進唐臨晉帖

跋藏真千文

跋王右丞畫真蹟

跋褚摹右軍枯樹賦

跋東坡草書千文

跋米元章泛海等九帖

跋米九帖後又書

跋東坡王仲儀哀辭

跋蘇滄浪草

跋米榻蘭亭

跋文潞公三帖

跋華光祿藏宋代遺墨

跋蘇文忠五帖

跋米書天馬賦

跋宋人聚帖

跋山谷書李詩

題米老著色桃花障子

跋宋儒林郎王大本遺墨

跋重勒宋太學生陳公少陽書草石刻後

第二十六卷

紀叙

跋宋高宗付岳武穆手勅

跋宋高宗付岳武穆手劄石刻

跋宋賜江賓王進士出身勅

跋趙子昂書文賦

跋趙書團扇賦

跋趙書韓詩

跋趙松雪管夫人與中峯手帖

跋錢舜舉明皇擊梧桐圖

題顧司封藏舊人畫卷

跋石勒問法圖

題元人寫崔鶯鶯真

跋元末諸人帖

跋太宰王先生藏饒叅政書罪言後

二研志

跋元末國初人帖

題王安道華山圖後

跋沈書徐公歸田賦

跋俞陳二先生遺稿

記錢長史答鄒處士書事

不秘以集卷目錄

四

不秘以集卷目錄

四

跋侍御成公紀行集

朱氏家藏手劄序

跋雪夜聯句

跋諸田藏賀氏帖

題馬刑曹畫草石後

跋亡友劉嘉緒秀才手帖

書文選呂大夫祖邦夔詩卷後

寫各體書與顧司勳後系

跋為葛汝敬書武功遊靈巖山詞後

戴進畫菊贊

題池州章汝愚秀才藏履吉九華山歌

書相人金生卷後

徐博士草書卷後

題草書後二首

題人求書卷

題楊允福藏余舊書盧仝詩卷

題草書後二首

書與王希賢秀才寫卷後跋

送楊松泉序

送進士秦君詩序

送梁道夫序

第二十七卷

紀叙

奉饒大方伯方公朝 覲序

東巡歸 朝序

送憲副黃公按察八閩序

送王祿之會試詩序

贈錢君醫效序

將赴京師與朱政言

杭州奎上人署書贊

三望一首贈杜子

隱士贊

朱母大耋頌

蔣外生西樓讀易圖記

甘泉陸氏藏書目錄序

陸啓明暘谷序

慎齋記

從一堂記

夢墨亭記

保和堂記

寶善堂記

燕翼堂記

懷振堂記

賓山堂記

寄寄堂記

第二十八卷

紀叙

存義堂記

嘉靖堂記

保堂記

雪堂記

葛秀才小樓記

訥齋記

審齋記

斐齋記

恬隱齋記

坦軒記

招隱亭記

於物亭記

清芳亭記

吹綠亭記

楊氏祭田記

南山隱居記

石田記

東山竹屋記

眼空臺記

菊花莊記

芝亭記

第二十九卷

紀叙

桐園記

南村記

南江記

西郊記

可齋記

陳氏燕翼堂記

潘氏湖山佳勝樓記

笠澤金氏重建安素堂記

南岡序并詩

表弟蔣秀才遺文序

表弟號懷海生序

銀浦序

毛夢哲字叙

楊氏三男子名字叙

徐氏三外弟名字訓

史在野字叙

羅曉字辭

袁植字叙

袁氏四子字叙

第三十卷

外教

重修蘇州府開元禪寺之碑

蘇州五顯神廟記

吳郡三茅觀碑

會道觀修建記

南京洞神宮崇玄閣碑

鎮江府道紀司移建記

勅賜蘇州府報國禪寺記

書繡觀音後

了菴記

簡義上人

記夢中作伽陀

顧居士頌

書須溪經說後

北禪雨花臺修造疏

福濟觀造殿疏

跋拙老書與李漢雲後

祝氏集畧目錄終

祝氏集畧卷第一

騷賦

大游賦

允明以宇宙之道於我而止矣渾鴻包之萬象條之三五肇構于其先宣尼總齊于其後君建為極臣成為業士治為學民遵為世隨其時也易曰拘係之乃從維之王用亨于西山允明時不自立身名隨人拘維將老而神明中亮問學外廣有無之際三五宣尼之所營蓋嘗冥訪其間焉斯用亨之利也暇日叙之為大游賦可以垂語千載焉爾

夫何恢慮之大人兮，羗縱觀於域中。柯柘櫂以爲車兮，畢妙制於輪工。建六等以道遠兮，職三材以行空。旣軒之以華鞞兮，又積中以堅軋。招鈴且使附輿兮，瓮鹿鞭而右從。巾九圍而窮轅兮，殊章玄之有終。跨四渤以脩征兮，隃華封以臨戎。左賓暘於二桑兮，右嚮晦於三春。前炎洲以玩鳥兮，朔幽紘之夢夢耳。鞞象其支朱兮，胡旅瑣於蟲封。悞皇盤之下繼兮，中六圍而作宮。命旋轅而內歸兮，攬覆載之所有。歲蕭稂之被壤兮，慈芳蘭之不茂。喬隰榛與山樗兮，斥文梓令速朽。獷貙豹之犇犇兮，藐麟虞之在囿。叩鶴鵬之啾啾兮，梧不集其鳳鳥。夷高岸爲深谷兮，堀堞礫以爲阜。翦珞砮以圍椽兮，童丘隅俾不菲。睨洪河之橫怒兮，恒襄陵而汨宇。汹漫漶以突徙兮，數失邑而病漕。懷神功之難續兮，惋夏蹟之非舊。帶衡江而脩截兮，判二戒於左右。聯南濱之百巒兮，蜚千泉而下湊。亡晝夜而建瓴兮，澍交注於揚藪。漭散衍於三江兮，赴伯若而爲湫。灤始涘而繼湮兮，瀆汜溢以妄走。蹇重咽之中捷兮，焉執咎於授受。嘒昔災之歲成兮，輝殫虐於吳畝。黷沮洳而莫遣兮，耘十千之維耦。驅玄黃以高驤兮，循中原之舊服。畫州邑以星敞兮，敞曠

土之沃沃邈山川之遐隔兮空千里於一矚憶先王之位天兮經九井以爲國掌地政於司馬兮詳同成而澮泚樹萬里之基楨兮厚烝人之安宅固君民之比輔兮食無爲之帝力厯諸聖之造述兮與世期而亡斲何秦孝之顛暴兮益衛鞅之薄刻始必墾以阡陌兮繼稅人而蕩滴塊坤元之綱紀兮勢一剝而弗復艾因時以苟爲兮優彌古而偕極覲蒼黎之增增兮糶千百其品倫伊四業以各守兮蠲百役以駿奔惘窮筮之顛隕兮憎惰游之猥囂絳戕之以宄賊兮樓射贖而食人痛九夫以征穀兮餉凶餘俾悍淫捐

田事而不男兮競逐末於錢刀隼千茲以爲利兮網無卹於戚曹擲泉布而操壅兮靳濟物於一毛鄙遂縮於狡窟兮酋驕戾於王侯工不度而作淫兮聊湏庸於斤陶皇天生此元元兮惠司牧以大君建萬邦以諸侯兮賦官士而臣鄰寧一夫以非農兮而戴履於乾坤休茲辰其何時兮農八一而僅存八民農殮饑簋罔稽田兮峻曾弗得以食新鈞含氣於化育兮衰細人之特勤予旣未穀於道邦兮吁釋錢鏹而被此鞞紳氣紆蔚而不解兮意周章以交馳違巖野而卽市兮求化理於官司闕訟堂之佻佻兮匄萬千而榜

笞大夫驟騁而蕉萃兮不得知其所為輿胥五百柙
 千獠兮引羔豚而飮之檄氍磔而撻運兮格辰道而
 申齊士呻痺于鑲輓兮伍病空於陴垂帽四方以晷
 啓兮甫焉得而驪熙操舩艗之蒙衝兮晨橫江而西
 滌扣曾城之九重兮闕臬應而疊五印天京之鼎立
 兮頰絳闕以崇鶩欽萬域之攸則兮拱北樞之星附
 燹三殿以中巖兮奉天華蓋謹身轟雙樓之夾輔文樓武樓闕椒
 闈之沈肅兮峻丹雘之複護列入屯以周廬兮離千
 曹而張署啓巖閣以弘文兮宅大訓而稽古坐耆成
 以寅亮兮諧密勿以釐務歲法筵以尊師兮訪道揆

於墳素倣明堂之法象兮裁靡代之踰矩近堯階之

三尺兮削漢宇之萬戶廟四親以致享兮宮崢嶸於

左祖右駢祠維太社兮同先稷而為伍毓儲聖於青

禁兮昭英華於文武文華武英二翼殿觀靡究於中祕兮規

載考於庶府張五督以詰兵兮呶六官而開部廣通

政而給諫兮謹臺察與大理太常典厥禋祲兮宗人

掌其圖譜謚翰苑之閑清兮都成均之綽撫守信玉

於符臺兮顓筆削於史注欽天審其曆象兮大鴻傳

其臚句光祿精夫玉食兮僕馬備其徒御條萬幾以

緄襄兮錯群工而牙布沛周詳以章徹兮互責稽而

斐備奕 神祖之開業兮濯 神宗而善遷為王賓
以觀光兮遵大路而北轅歷揚徐而齊魯兮趨豐鎬
於幽燕瞻 帝居之際天兮服 王心之所甄葵啓
承之有道兮蓋同經而異權屹 高皇之奠鼎兮介
哉格乎淵算承乾休之凝注兮懽坤輿之饒贍執天
德以守國兮豈徒防於天塹來百蠻之賓王兮會諸
侯之覲獻 文宗而上徙兮扼荒咸之突踐居高
屋以尊臨兮繞衆星而北面提四外於有截兮恒奉
時之英見宣鴻仁之積洽兮熠光重而索宣鱗百揆
以具張兮轂皇極之中懸職工僚其備備兮稟成憲

而周旋惟弛張之殊科兮深忤惑而眩愧殆愚固之
莫憐兮緯有幾於攸先山臣銓草樹而牧麋鶴兮焉
能覘其韋弦匪余位之所謀兮噴奚煩於蕘言思沈
潛而內求兮愴將歸乎故苑繫佚足於管限兮擗鴻
芬於枯簡聒萬夫之交鳴兮佩六編之神典探經邦
之遠猶兮察庶務之竒變逮長古而周歷兮該千岐
而綜練勵勵跡於滔天兮抽幽緒於獨繭殫精誠於
至思兮肩无象而諧券情窅窅以倏恍兮志强毅而
逾鍊遡上升於至陽兮曦皇人之垂見發祕鑰以授
余兮爰炙筠之玄篆吟微辭以啓悱兮歎樞栝之精

雋忽不悟其所如兮，屑儻個而徯旦。宓閉關而函光兮，幸韜聞而滅見。散神明於空靈兮，泳皇冲而教衍。兼萬化於芒機兮，統三極於一貫。識天人之燮成兮，假幽明之互贊。寤道器之相感兮，歸有亡於亡辯。漸歷聖之繼天兮，討千文而同鍵。杲曜靈於永宵兮，齊受法於皇旻。承皇命者犧兮，始拜受此玄文。九穹無言不愛道兮，勅地寶以龍呈。括五十而有五兮，峙大道之靈根。五相得而有合兮，成變化以行鬼。神觀穹文而祇理兮，載取物與諸身。爰立卦以生爻兮，用四尚而成萬。營居觀玩以既得兮，動假筮以質成。橐萬化以鼓舞兮，漱千妙之幽源。崇守位以財成兮，纖出入之紘員。洞生死於原返兮，了情狀於游蒐。冒承燾以彌綸兮，貫異同於千門。逮農軒而顓學兮，迭奉帝而詔人。因龍鳥與草木兮，依水火而風雲。備物象以周世兮，拂養本於生民。代泰穹之何言兮，悼神心於三墳。司重黎於二正兮，構貞曆之四分。唐欽昊以授時兮，宗曆象而三辰。虞絜齊彼七政兮，在璿璣而玉衡。原欽明而被格兮，址時雍於睦親。粲重華之協帝兮，終命位於升聞。恭垂裳以無爲兮，魏成功而莫名。扈文命之神靈兮，默取道於清玄。奠山河而再造兮，

相天地於成平帝重錫用玄範兮誥寵龜而跡陳舒
九章以列對兮姒乃第之以類成邁殷周而密昇兮
令箕武以載申揭建極之元則兮握天人之關鉗援
神契以設教兮假泰卜於歸連眷岐豐以下鳳兮勅
尼泗而來麟三聖演翼夫犧畫兮文王周公孔子旦疏官而
盡君官調宣群經之自聖兮以時差而錯出孔完天以
總聖兮萃整齊而立極道有本末而著微兮本微既
其在易張末著以長世兮論禮樂之為急誠脩身以
御家兮弘治平於邦國作人備乎儀文兮宣和興於
樂律稽疇典而作桀兮耿二史之布策祛放墳丘之

眇綿兮綜唐文而姬曆晒嘉謨與大猷兮心偕事而

錄實閔刪述以詔來兮立型模為永式體二篇以樹

本兮用四典以示則二篇者易四典禮樂詩書張人綱以持世兮

參成位而撰畢世惟遵而勿渝兮酌天心與聖職冥

弗由以顛濟兮教乃廢而代汨聖何道而援若兮懋

不位以敷德掇侯史以衛經兮荆予奪而作格尹天

明與王憲兮準賞刑於霜筆三代絕而世變究兮六

冊具乃聖功訖理與事而偕著兮勸交懲焉縣植从

為治以位天地兮違斯亂而乾坤熄孔既翦齊乎千

牘兮攣綱要而綴集愾漢武之中興兮業躅孔而均

績蒐獲僅於百篇兮訓終代而已給云理道其亡垠
兮亦庸傷於多逸書枘缺落於完籍兮咨三簡之不

沒儀周小戴三禮何長息于逝者兮摩存緒而弗繹抒人情

以合化兮亮聲詩之為特悲忽亡以永昧兮聃天聰

於瑱塞既律天而襲地兮晷憲章而祖述此下還謂今五經

維天地之為大兮代天言而不息蒙遘克以辭贊兮

伏犇走而靡斃迄作息而顯微兮咸由戶而出入考

群聖之攸作兮罔非天而自隲蹉顯微之啟庸兮覆

相質而弗忒普含生於兩間兮誰違天而已立感微

賦之有聞兮愬白焚其髦習拊脩辰而暨寄兮矢乾

乾以永訖泉干氏之攢叢兮助馳蹶而翔翼覽諸師

之襲述兮披衆聖之膺臆苞鴻纖以條疏兮弗衷表

而協一適滌漢以游唐兮惠界受以綿密考靈無示

乎度躔兮睟焉察夫天日被賢恩如命面兮等父仁

而焉域咻後者之剽贅以沿茲兮吾將暴諸同心而

未覲彼固自為至一兮謂精義之我集泯前脩之夏

業兮迹深扃而固匿何斯今之膚獵兮愁捐甲而逐

乙頰 高皇之垂誥兮酌交從而無僻詔士治經用古注疏與某

傳說云云群生曷靡靡乎顛視以奔時兮敢背 祖而妄

執寘 聖謨賢教於公擯兮趨胡悍而胡逆疇鳴闍

以一匡兮擗千載之流溺歲悠悠以隕頃兮洪章殆
終乎罄滅聖乘時以施化兮賢隨時而成謀謔憂樂
以行違兮肆有用而亡求賤將五十未服政兮憮往
日之藏修辰其息而亡悶兮警將放乎大游擁良謨
以匱韞兮弁消搖以夷由攀千業於一函兮諒奚之
而不優出衡宇而遵塗兮邁九躔以環流駿一日以
千里兮快崇朝而九縣指河冀之上領兮隱嵩洛之
中璧紉三五之更都兮應玄樞而流建則乾元之用
九兮敷海寓之疆甸大畫圻於方州兮細規土於井
田烝哉先王之宅中兮憲井牧之攸便悼荒泯於周

渠兮流一潰而亡返沈余慮以構術兮撫餘規於漢
彥籍民品以有定兮括肥壤而制限定永業於口授
兮分授新以購羨縣百級以酌授兮人無食而不佃

井田不可復請為均田盡地平賦三道立田制為三
科每科為三限五十等百級自五十畝至五千畝也
凡一民不得過一科先過制者籍之禁毋得更市田
以其羨為待分平易二法待分者分其羨於餘口及
通籍凡官民無田及少者酌授之而歲收其入之半
為價償故主足則已或能頓償者聽自籍民品以至
此言均田也析羸田之南民兮易中原之隙衍每縮析而

羨授兮足牛粒與舍廣稽十秋而合貞兮廿有一而

始斷平易者取其十則易償以中原西北隙土十有
五并牛粒廬舍凡二十乃分其口令往墾歷二

十年而其稅定然後征其十一永
不加益自析羸至此言盡地也既均田而盡地兮

乃平賦之有漸都一郡之稅額兮總重輕之原版駕
 履畝以周旬兮核腴境之實算各斟勺以損益兮為
 新條而升殿第融紐以少均兮總無減於舊貫既不
 縮夫邦計兮庶重負之微嘆自理郡乃通藩兮究海
 內而普徧 明明后之牧宇兮更審地而制典租必
 當於壤力兮居中正而永奠 此言平賦天下賦半東
 南今賦特蘇郡極重民
 皆病賦不當田又偏重緣以 王制不敢易請融紐
 之如一郡之賦四重而六輕并為十分乃覈其田腴
 幾何瘠幾何隨以定賦益之損之以總足於舊制之
 十則不縮國資而賦無偏重又以是廣於他郡又廣
 於藩省以通于天下然少平爾不當於地之輕重若能
 請 上更隨土以定額始為中正以上三法具見祝
 子通此所陳 急東南之倚重兮最水利之難善偉哉
 乃其粗畧爾

平之所列兮足紀綱夫群辯 范公劄
 呂中丞 滌宣歙之上流

兮濬百瀆之堊淵宣三江之故道兮堅圍埠之防堰

癩白茆之海咽兮趨百川而吞嚙病雄潮之日至兮

挾塗沙而壅填非時扶而歲剔兮道奚出而不汙迹

民勞而費穰兮役頻興而婁胥顧漸疴以有瘳兮而

却藥之瞑眩茲譚固諧理叶務兮又焉睹夫物狀之

繁變盤盂之有稱兮道中卑而表淺 謂吳地與江平
 其間田又有更

下於外 沮洳已膏腴兮欲夷之而且戀 戀猶惜潮淀
 為田者亦利

水者 官民是亦一理 撤梁而斬荻兮揆亦非潦疴之專驗

然猶害多益少 如撒長橋刈菱葑至欲廢吳江縣恐上流非盡緣此
 而阻若阻此獨病橋上田幾何許耳水既出橋雖少

緩芟不全阻循諸貌以發救兮又豈一端之已辦救

術獨統夫宣防之二歸兮在交施而各殉穰衆瘞以

叢軀兮繫曷弗周詳而異按長河滔滔而東駛兮歛

怒嘯而橫濫夏跡漠其非故兮沈亦不恒於一荐術

固率彼其二歸兮亦與徒不超乎三撰相時宜以各

庸兮厥亦斯其樞捷瘼征輸與允漕兮擬重陳而歎

倦征餽雖弊在隨時酌救此不可易官歛民以藝賦兮傷哉

冗或踰禮踰禮謂名不正者減牛毛於先王兮又安能一切

而屏置率土殫供正之願兮誰將不恭以沽戾憾綿

肌之殄瘠兮而剔割以無已嗟五材之給世兮出與

沒宜相視彼濫耗而潛匱兮顧不與司存之計謂不

費戶部不得知之為行止傷財既莫由斯兮責求之而獨委傷財不全

繇養兵及土木等事必自有在版十稔而審易兮徃一霜而均制咽

法良而情隱兮職競人以舉替業春陵而秋谷兮能

錙察而銖諦切考心以仁公兮子殆少於偏蔽悃存

用於智數兮神鉤察於聰慧拱默化以望孚兮茂茲

途之攸貴齊民生生大校兮凡農商之歸二丁不足

準兮田亦多昧丁或少而雄多而弱昧言難的田多聲而鮮實兮商

態錯於内外田有瘠肥稅復徧重商多肆華貲薄或本假貸或閉戶而盈箱或豐貨外行類

惻賦與工之加患兮從或董之王吏征余駕而流觀

兮觀懷生之遑遑明王厚下安宅兮類四族以爲邦
舉冠領於士儒兮曳尾夙於末商雖搏搏其異等兮
貞萌萌之天良譏異世而殊道兮荐多門而分張繁
胥徒之蝟蒸兮裂兵農而別行悵庸主之失馭兮魚
不麗于王網昧邦本之逾寡兮縱冗雜而日昌閔四
窮之無告兮憶三游之陸梁焚汨蠹之旭旭兮鼠化
虎而羊狼伎乖絕於人道兮曾何有於天常余蒿目
而傍睨兮孰同淚之淋浪認同類之乳育兮寄食貨
以爲生古君王之子民兮廓一視而均情制生食與
裒散兮揮群柄而不頃自彼君之繆術兮務姑息而

倒衡算工車以爲利兮崇婦臺之懷清商交農而雙

厲兮末顛本於不平悲歷國之臨財兮每剥下以踰

羸賊哉安石之聚斂兮詭市術於王經謂周茂均田

以建本兮僥垢源於流澍匹公姬於仲鞅兮企仁周

於暴羸俯后民曰均利兮實胥戕以互盡獻既無克

於迷復兮盍鮮取於無名走中原爲治亂兮信珠玉

之不脛持大道以生財兮皓千古之聖程慊氓斯之

已憾兮日盪氣而涸精弗少拚以屺隸兮任嚆酋以

無生彼多逐於商末兮些撝之以豢兵或徒食於糴

老兮武餼賚於來庭嗟何有於二教兮牝頑冠與穢

髡唯玉食而海富兮烏有尚夫並耕鉅創至濫以冥

輸兮時有在而靡懲所在見後槽予之乞人兮曩有政

於周矜眇窶甲之微限兮如來者之日增壹是蓄之

為養兮俾溝壑之不盈簡夫夫少強力兮并關析而

牽征資官殮以免乞兮婦給衣以妻軍取巧不廢者什伍之代挽

率卒婦可與人處者補戍妻以購貲半治衣衾半給之詳子通洎流莩之還積兮勿

客視而它營至即團以為戶兮給廩飼以為恒移土

邑以財輸兮吾特為之鼎鎗移文流莩本貫令以財來廩綏潛運

以交拚兮一仁視而不病苟客者之過繁兮著吾塵

為土岷憐汨治而戕天兮所鉅取惟民螟攘哺嬰之

微餐兮饁饗夫之已瞪禽郊牲之肥腠兮養群逸之

蒼鷹委精純於塗泥兮虹邦產於一粵沓伾伾之蝮

虺兮吾何舌以指稱此子通所謂汨蠹之民前言賦財二端故及所在即斯耳

皇威無崇而必警兮震乾剛之旬旬凜岳壓以霜殺

兮烈鈇鉞之馮陵慄神今之赫迅兮驚歛電而轟霆

蒼寇賊而姦宄兮追汨蠹之伯洵孰承天而法祖兮

屠群豕於一鋒瞋萑苻之日繁兮欲屏戢之焉從聖

訓止於不欲兮賢獄市以并容予其懲而猶異兮有

殊初而同終矜狗鼠之偏餒兮怒獍梟之鞠凶先釋

苛於歛徭兮遂嚴致於搜窮恣宥過以刑故兮茲刑

罰之為中坦大沛於潛竊兮劉姦殺之惡雄勿參差
 乃絕判兮皎冰凜而曦融省潢池之披猖兮舉兩初
 以為萌懇原情以審勢兮慎蔽法而即戎戢反側於
 招綏兮肩凶渠於大蒙報怙虐以洪威兮與指苗而
 芘蝨湏慎察而痛劓兮裨皇穹之仁公王古者之保
 邦兮作師旅於地水茹容民而畜衆兮田偕武而興
 制垂列國以交更兮之秦鞅而大戾后厥時以逾遠
 兮碎規裂而為二醜頽波以下注兮寧能返乎涓涇
 謾譚計之諸諸兮僉傷養於大費亮先作之叵復兮
 焚後述以多貳怛熙寧之保甲兮校拓跋而猶寔微

因損益以張規兮亦善謀之亞誠采材官於漢矩兮

擊府兵於唐載躡長源之嘉尚兮擷稚圭之美議唐宋

李韓二公重時募而精教兮乃要切之至最竊虞夫謫戍

之永終兮奉甲令而文致法常陞於滋久兮即三五

而湏異異者蠢匹夫之麗辟兮將不宥於十世遂至無窮

豐廩養之長糜兮且望深而感細况懷土而迫窶兮

繇竄迸以川潰遂益之用核追兮煩鉤攝而部遞紛

張官役徒以擾擾兮日馳驅於四海實惟益薄而損

厚兮宜亦矢謨而請裁萬幾數求言以罷行兮曾不

狂夫之為臯非犯忌而亂成兮謂効忠而襄治既未

薦乎野謀兮敷公仁而從事軫鄉思而甲蠶兮懲抽
 力而誅賄完家室以固志兮周粟帛以強體時番上
 以休容兮辟賂免之姦怠拔私徃之長痲兮襄侵培
 之積穢故雖小而必刑兮兵無伍而不次挽千漏於
 逸梁兮剔百門之宿滯力訓閱於往圖兮帶射蒐於
 儒吏揆張皇之弘要兮知亡踰乎簡帥祖仁義以為
 質兮厥損之以勇智律經籍之典訓兮研歷史之成
 敗厲瞿瞿之廉節兮佗矯矯之直氣勤步伐於苗獮
 兮豈臨機而尋藝推請論於司馬兮命畀簡於宸
 宸論必斷於援賊兮斥浮聲與柔蕙耆授鉞而推轂

兮勿參之以弟子軍容何為往監廁兮嗟乎李趙之
 階厲將攜壹而僨克兮夫焉有於此係覈諏研於績
 敗兮眈賞罰之昭晰彼屠降與殪良兮蕪粥級之作
 偽偽多報級數毅戎昭而不弛兮飛蕭斧於誅刈毋狗兔
 於援議兮必姦絕而良勦銷枉毀於貝錦兮破滔謗
 於珠以熊虎毅其六師兮魚鶴輯其七萃務貺識而
 音別兮啓閑練而衷義悛強足與密代兮直寄命於
 童戲謂臨事募不精實苟用充數與私情代行腰姦宄於中邦兮衛天險
 於荒裔林建國而所民兮虔有整於職方藩周飭於
 隍陣兮垂堅密於關梁崇函夏以立道兮隋百代之

大防訐 天王之集統兮越歷古以包囊樊封取之
 峻截兮戒勤遠之否臧頻迴譯於異貢兮只收誠於
 來王事見祖訓 冒包羞以餽女兮焉自殘而割疆無歲賂
 之坐彫兮有互市之交償鑠 皇代之神武兮跨振
 古而無雙曄 神祖之清漠兮恢 王威而四張燠
 簡任於干城兮專權力而鷹揚弗牽肘於彼夫兮譴
 賅得而姦妨為恤士之無實兮猶舖饑而搯吮目衡
 瞎以八燭兮迴浩劫而未央怒遐萌之繹繹兮附九
 埏之芒芒徂日用而莫已兮串出入以隨陽寔亂眾
 而治寡兮喑樂短而憂長念蚩蚩之錯產兮不越茲

以成邦愴美惡之必兼兮謀獨藉乎四良噴茲良之
 自植兮隸素履以獨守每自彼以戕陵兮歸帝曩之
 固有相斯辰之攸賴兮祗俊髦而峻叟昨既瘡夫不
 井兮晞三法之或救三法即均田盡地平賦 尚稽實於征輸兮
 還微息於頻歿恐二子之終夢兮虞和緩之懷手蔚
 大氣之紆蟠兮壬胚靈而降秀顙蒼惠錫夫后王兮
 君成之乎鬻校詳養射於夏殷兮具司徒於周教
 帝首出以廣運兮幾新邦之綱要舍賢能而安藉兮
 投碩材其安構渡長江以整旅兮倚干戈而詢道築
 禮賢以館傑兮聘名哲而探討及鴻圖之懋建兮夙

教士以有造溲辟雍之湯湯兮溥侯類之浩浩範端
嚴以恢綴兮思周微而懇到曰成賢以爲期兮憲羅
才而畢考藹思皇之濟濟兮聳周楨之廣效其在今
之司存兮漸郵委而同眇眺儒堂而聞其兮凝沈沈
之半沼籍束閣以停披兮琴絕絃而歇操填胄省之
青衿兮日聚散而三造俾庠黌而率由兮亦胡辨於
土偶之淫廟獨糜財以備聲兮疇鄙牖之爲了漻法
意於餽羊兮名將實而朽鑿崇術四而充餘兮僅偏
誦其邇小辯曾患乎先藝兮茲并藝而草草幸王國
之克生兮士不乏於覆幬業每樹於高遐兮履亦周
於末杪纍駭牝而如雲兮夫奚失得於櫪阜嗟嗟吾
黨之徒兮要賢聖以爲期放四科而八行兮舉六藝
而百家究學問以思辨兮劭仁行而寬居行成物以
博濟兮卷善道而遯肥通天地人以稱儒兮贊化育
於玄微國縣斯以求媾兮士執應而登之學由循以
成士兮教率章以爲師時與道有違行兮台詎隨以
推移咿蝟蝮以自細兮胡不輪冶而駟奚初既育乃
后舉兮儻科條於隋唐務拔萃於大公兮倍峻立其
周防索理性於經術兮故全畧於文章方政事之需
試兮策時宜以多方爲程寧弗良盡度兮逐有司而

淑涼來薄海之彥異兮危尺戩之莫當予歷觸於禹

穴兮胡鼓尤於鯨鱮余有貢舉議大旨若此迅賢豪之絕群兮

挺堂堂之贊皇麾時科而弗即兮喻龍媒之越行洵

要駕之不種兮聳萬夫之攸望鄙負羞於大人兮空

趾壯而心長進而遂而前卻兮澹胡為乎皇皇矚時

髦之升庸兮燿勲華而頡頏倏霜蹄之超驤兮後何

有於王良羅目千以得一兮先民所為感傷羅以多目故一

目得禽今為一目羅則安得士本古語王通亦備之睿謨固經於神運兮勿拘

桎於尋常彙小大以兼收兮悉明側而明揚層百材

於場師兮共京構於明堂掄枕楔以畢良兮粹豈獨

於柱梁以周完而大壯兮廢備具而豈康害超等以

異懸兮擢萬羽之孤凰或科存而弗舉兮徒惋遺於

衆芳為國惜才何人斯兮謨罄畢於鴛鴦鱗甲乙於

一斑兮可百年之短長何斯據以卒躬兮信輕軒而

弛張上既馮以升沉兮下亦自為摧抗坐弊日以淪

胥兮叢倖望而縈妨望怨也尋世科之有無兮與第差

之低昂鑒才出之先後兮及卷舒之靜庸孰失得以

饒不足兮孰隆汗之存亡隆汗謂美劣存亡猶有無也爾其鋪觀

而平角兮成效不其已彰繚庶位之崇卑兮環中外

而周設尸脩政以立事兮並陳力而就列今視昔以

異宜兮沿與易而殊節 祖建典以官士兮掄時宜
 而章別多率舊以監成兮掖無期之皇業劼蕪山之
 止位兮臣何知而嘖喋想拱職以綢繆兮熙庶績以
 咸凝唐虞和于朝兮賡元首而股肱昔秦人之僑亢
 兮儕百辟於倌伴後秦胥以沿洄兮且肅體而諧情
 貌隆坐接兮呼莊君卿塗黃還命塗物繳兮席前目
 征目送崇庠必詞兮揚抑告行 皇王建設兮簡要以
 殷殷中謹守官而罔道兮愚深昧于茲評王用道以命
 官兮官將道而為命蒙夫昧體而守支兮直置道以
 狗名逾追勢以滋顛兮偈鬪坂而拒撐交隔盍以無

通兮不相謀以相能臣殊僚而一政兮肢連體而析
 形咸左趾以將東兮引右彖而西脛各稱官而罔道
 兮烏不病殘以殞生宰萃上而一命兮粗因科而下
 上既蒞政以稽績兮復何初以為量年疇力於良庸
 兮才奚由於耆壯木不谷集而郊韡兮材將鳴寃於
 族匠非 祖宗之盛心兮誠後時之膠狀假三五揀
 斯方以舉錯兮當亦迷八四之直枉八凱四凶何莫峻登
 其異傑兮年序以餞夫尋丈儼筆工以醫傭兮濁銅
 駟而穀養汗王章以蠲綠兮誨邪陵而貞障猥膏紈
 之流蔭兮偉漢疏之直諫王吉請除任子法縱故襲之未革

兮又何弗涯於漭沆凡斯亦不局之貴兮非清波之

都喪

非盡無清流也

聲復侵夫無擇而無止兮益皇涂之決

灑聞方人之不暇兮識野求之無讓將循位以求理
兮匪稱人為標榜槩焉名襲而任別兮姑試徵二三

之改尚公孤寵貴以年登兮未或倚其燮亮

用為九卿資深

寵寄鎔甄於中相兮獨調衆而拯病天曹天下之才

庾兮無遐遺而倖調懸鴻鑑以八照兮能簿號之故

妄基邦本難固而易廢兮盱司徒之斯仗黨耗國之

職思兮拱三緘而不創懲非睥睨於竭澤兮哀株守

以循罔祖議禮以作制兮綱維誕其貞廣豈科條

之無俟兮虛百年而亡訪憚哉今之為政兮執邦刑

以不爽惜死法不死情兮殲十九之國命抗儒抑法

誰為異家兮腐生迷而弗講豈三尺難求於六籍兮

對刻木而恟怛世生才以為士兮才弼辟以親民顯

利用以成務兮幽履道以媿身靜庸兼維天之命兮

士也允三才之珍偏有才而善用兮聊銷慚於宦塵

守罷駑或不肖兮世何罹而尊親彼斗筭仕以為已

兮用以學而為人

已富寵人求知民何杖以為長兮后何藉

而為臣噦余固艱夫欲議以畢偁兮亦譏此不尊而

弗諒急心亨而道塞兮且綿綿而斯往庖人不越乎

尊俎兮陶師握其范模作者熱其亡爲兮藏山澤而
爲癯余懷靡得於斯兮求茲人以爲徒去城郭之垢
氛兮嫁巖谷之鬱紆漫阨靡以豁廓兮積芋綿而周
遮岑峯嶽而譎鬼兮流瀉涵以趨瀦儔競慶而騰伏
兮連庚乙而几几絢時榮以繪繡兮戛鶴狔之笙箏
聞無人乎崖竇兮鞫幽求而單居末寢食於皇區兮
安平康而樂分綴聲籍於士舉兮足瀕申而猶遜褻
君恩以無酬兮慚魯子之葵悶抽長沙之太息兮
夢宣室之宵問敷前聞於沈臆兮嘏婉約而莫盡功
必一於天人兮理不隔於顯隱通千期於一契兮右

皇靈於無泯頤明王之天造兮蒞日中之豐運塞王
猷以登咸兮不重堯而襲舜學無耻於不穀兮尚席
珍而玉韞若木不示乎世標兮神鳳無諧於塵韻天
錦莫覓其機杼兮媵三籟而微引先素王之昭誨兮
蓋二方以庸世謂初道而繼齊兮有政刑而德禮上
焉耻且格兮亞且免而無耻明良誕務其至兮丞率
次以眈眈并殄殢以諄捐兮積人注而時否政刑洵
異夫今古兮緒言無庸以究齒德如毛而鮮舉兮禮
司存其議擬俶鴻濛之已渙兮佑作聖以君鄙大人
後天而奉時兮惇五典以爲紀搯三百以爲經兮延

三千而曲致摯元功於贊化兮全備體於唾涕措萬
 品之手足兮秩其紛而壹貳衆高沈而疆燮兮參音森
 岳砥而柴虎竇一決以橫趨兮倏滔天而洗潰非因
 情以植則兮溘焉一而焉濟晞失德而信薄兮忍謝
 嘅於周史荒哉厖訐過乎標枝之不還兮將非禮而
 奚以禮陰作與生俱兮樂陽來而儷啓聲容達而生
 神兮體音漸而死鬼肆犧媧迨姚姒兮極陰陽之文
 理裁衣裳以吹匏竹兮熙殊造而均旨柯出稊以為
 華兮毛傅皮而成美奏至治於雲池兮盡物性於宮
 徵遜盛皇之厭世兮寓大柄於遞位雜狡童與昏夫

兮隕王彛於裘委姑何別於芻靈兮冠裾具而亡裏
 維禮綱於五端兮吉無先乎郊類莽欺天而侮聖兮
 軾輦申以傳會唐既蕪以竝配兮宋逾滂於赦賚設

有妄於祠衣兮位有汨於祧禔

以上言前代郊廟之誤

家庸行

而不知兮曾無違之能幾猥趙氏

武靈與北代

拓跋魏高齊宇

文周兮游變夏而由裔底蒙古之遺醜兮騷增尤於九

圍非穹皇之命聖兮疇撥亂以勇智 祖一匡以再

造兮駕百王而絕儷篤父子以孝慈兮協周文之敬

止董百官以為朝兮截冠舄於首趾肅大別於掖壺

兮斬收承之顛穢固前星之繼明兮郁青坊於繼體

羅九服以樹屏兮藩不億之其麗釐群神之淫號兮
叙百辟之規第推文質以四達兮布方策而漸被蓋
郊廟之大儀兮時乃定于睿志馮三重而建制兮曰
非君其不議儻時 命以下詢兮嚴丘澤而敬事象
雷豫以張樂兮薦祖考而配帝侂權輿以成德兮善
武周之斯僭選昌期而惰惕兮抑將順之能怠較民
用於茲辰兮纒一合而百戾胥濫越以敗矩兮淪逐
慾而鄰戲諫輕重之不權兮謚僭陋以交昧委筋力
於無情兮擿貨財於空棄儼衣冠以臨莊兮况大君
之斯侍端章甫如會同兮可非喪而去佩詎公庭之

爲燕兮褻長裘而蒞視噫人服之不衷兮隼孽孽於
卉毳玩窮狄之盈觀兮惡衣妖之怪忌殺室舍以什
皿兮等衆歎於一敝余旣未聘乎上國兮望王懸而
不耳過閭陌而或聆兮闕緇黃而倡伎亂一雅以萬
鄭兮梟四戎而錯厠日作息以震驚兮駭律呂之焉
寄盍六合以恒瘖兮聒九陔而悉曠八門張而何風
兮四時行而何氣雅烏噪於晝日兮鸞鷲翥而不睨
顧穹輿之定位兮礮風雷之鼓吹廡草木以有條兮
噍蝨蟲之吟啖僑仲佐伯以尊王兮使其民而有義
臣何望於 今堯兮不觀興于茲禊 王乘龍以中

立兮治六有於鑪鞴根人綱而植初兮落有家以俶
 載簡姬姜之世貴兮愛任姒之徽嗣速關睢之窈窕
 兮論鍾鼓而樂只貽銑鏗以前郤兮暢迭御于朏朏
 親郊禘以降乙兮儀姜嫄而弗子擇周宗之妊傳兮
 拜后夔而教肄密緝熙于光明兮斲刁牙之侵嬖扞
 千邪而勿接兮賦萬幾而歷試太祖隆親於九族
 兮剏章條而登殺鏡前塵而邁拔兮羞田恒之怵類
 敷實產以隸國兮歲坐觀其銍艾保堯睦於不竦兮
 供虞接於無匱弼支蕃而土限兮司存寧能以無槩
 維天王廟世以七兮寔殷周之弘制茫皇古之靡究

兮二代亦復宗異

上古未審夏五宗商六如姬周之宗然七世之文本商書

二室兮固不祧而非次

文武二世室不祧其後王時七世固在二室之外二室非

數別太祖以特立兮三昭穆以對蒞乃一祖而二宗

兮與四親而共備迨後王之復宗兮猶文武之不替

迺七世以為恒兮確古今之通誼於 皇明之握符

兮兼天涯而地際睽既廟於有七兮那千萬而莫計

皇 高文之巍巍兮擊百世之永繼不承烈於歷葉

兮列諸宗而裸餒撫大典以徐謨兮意 冲襟之不

易纘昭穆以無紊兮乃傳世之常系或頡頏而高卑

兮儀馮從以位置匪今晨之攸聞兮法周知以為貴

曩 聖祖之不訓兮定儒臣之請禘御史答祿與權請立禘祭上

命儒臣議議者以始祖所出未明而寢 曠趙氏之禘祖兮亦時焚於僖

藝侯王儀之不襲兮曷由疑而永廢當肇統而慎始

兮固宜存而不遂始謂始祖所出 累重光以欽承兮將神靈

之有俟盍懋建于崇典兮併閱義而時起高帝時固宜存疑未

立今七廟已備宜立禘祫以義起 高 地時正而道

合兮從心究於外內暨孝順而譴潔兮悃 皇彛之

極至洎儀章與物數兮比聲詩而容綴載采采於群

神兮莫不審於享祀開明堂以嚴父兮汗大號以施

治隆法宮之九成兮翼前朝而後市晝三接于康侯

兮旦五徹於彌士請舉日三朝故事 更叔孫之蒞貌兮整

鉤陳之法衛幄明王之采章兮東鹵蹕於群代被黃

虞之法服兮禕日火於繡會貞輿旂而邊籩兮盡生

用之百器蒐古今以分宜兮區雅俗之殊裁革淫巧

之隳靡兮絕胡戎之陋悖后模臣以逮民兮官刑廷

而御海王有三以寡過兮杲風草之相逮常經總乎

嘉吉兮與賓軍而喪祭周上下以用施兮惟日見之

為帛爛揖讓於交際兮或玄黃而牢醴纚目縷以條

支兮陳更僕其焉既雖殊王之更轍兮儒亦紛其輶

鞅挈往辟之故秩兮窈三典之略在儀周戴氏三禮 辭有單

而已蔽兮道有一而知二迪在者以推施兮僅含氣
 而亡愧徽列君之有作兮荷群正之勤惠諦繩矩於
 銖權兮研節度於旒繫覓迷途於擿埴兮興證辨於
 張蝟署根枝以交參兮部優劣而互採鑠開元暨君
 卿兮亦司馬而元晦頰今昔而時措兮斯數家之為
 懿按三經以疏繪兮又莫茂於先輩前後議禮作述者浩不可數互
有得失得之多宜於今者大帥開元禮杜氏通典及司馬光高閔朱熹數氏其為三禮注疏若圖譜如馬融三鄭韋昭王肅虞翻張融賈公彥孔穎達聶崇義陸佃等皆經師啓述之功尤大先輩謂此煥堯文於神祖兮大集成而班賜茁楨抵於恒性兮順條柯於日履申邦教之森曠兮補未充之倭細鋪遐

邇以折裁兮要覲時以為揆刻昏狂之僭濫兮備眇
 忽之不暨匡以居正之名兮章以昭明之軌來九苞
 以均儀兮諺相鼠之遄死遵王度于截防兮允蒲盧
 之可企觀天文以察時兮賁順叙而貞明昊穹率而
 西股兮儀娥錯以東行訂俱右之臆談兮淵鑒破乎
 迂冥太祖詔改朱熹日月俱左行之說檢班陳之分土兮何壤局而
 霄弘班固陳卓星土之說嘗有貳于分星兮亦未究
 其諦精夏曷不中近天心兮三隅偏闊而空空經舍
 輒以環轂兮二十有八而咸趨中謂狄雖曠而邊裔
 兮分厠占於規零豈理果能御器兮器乃因理而不

通測遲留與伏逆兮校客流與無名綜天官於靈憲
兮問休咎之分徵珠璧信其有期兮同上下而清平

氣多符而罕戾兮翼傲脩之有行天文祥異應不應者參錯不齊非可以類必膠師執用類索不視三端不應正宜爾乘除消息又本各不一如日月五緯合

聚以算本有常期期屆是氣之元亨世當大治斯自然之符或世不應氣此他戾也故王者當恒傲心脩

其行以矧氣否以變沴兮漠不省其遑寧皚歷代之

應氣耳應氣耳愬臣兮選治曆以齊政遡都闕而下之兮孔難割於

一定監往故而聿造兮大統於斯而為令彙群造以

折衷兮改月行於守敬免久紐之必譌兮徵良師以

時訂曩授時之可採兮祀四十而已病元用授時法上尋千載不

繆而下以推來纒四十年已差一度嚴緹室以候氣兮莊脩表以測景

于製律以治物兮鍾一正而萬應既禮達而政脩兮

馴刑清而世康愷人蕃而物條兮曼至和以充盈王

中正以居心兮氣驩通於蒼黃玉燭所熹乎泰宇兮

員嘉來而八風平禔仁浹而功振兮烏沒世而不忘

騰風詩以交宣兮鏗作樂以薦享本吹箎以造律兮

擢五要以為綱劉歆奏備數和聲審度嘉量權衡五者為樂之要衆言不齊不復能

此易緒審黍以定管兮正九寸之黃鍾各三分以損益

兮於相生以旋宮均七始以為調兮八十四而成章
間者濶焉夔曠之無作兮術布策而炳明三禮國語呂覽漢隋

方輿輿集卷一

三六

金意

史渺杜荀之神解兮代已希而非亡京房杜夔荀勗阮咸萬寶常張

文收謹述者之悟諳兮議驪烟以詰攘自漢以來張光嚴宣錢樂

之祖瑩梁武帝信都芳陳仲孺鄭譯蘇祗婆祖孝孫王朴和峴竇儀阮逸胡瑗劉几房庶范鎮司馬公泂

括蔡元定等尤難偏舉如何安牛弘輩無可言至魏漢津蔡京等益繆爾遴執隨而成渝

兮非數詞之已彰肇和聲以製器兮倚度曲而綴行

摘窈眇於純和兮拔絃密於腐常衍歆神而賓德兮

戡哇鄭之猥厖喙金元之猾夏兮聲後國而猶荒沸

俗躁而胡疾兮且將裁而未遑躁令人輕輕則多犯疾急也急令人憍憍

則多皖斯音之么末兮爾猶昧其條章今北曲出金元固非雅製

十七宮調今但十一而律又過躡杭都其何響兮鬼

嘯啼於晝梁謂今所謂戲文南曲本出南宋温州全無絲髮可成音律畧不足接耳目鏗

吾聲之有作兮融噍殺而鏗鏘頌皇烈於神明兮適

今時之豫昌假令今製樂大畧律宜大下於今俗部而微高於古律緣古者氣大和今氣大

戾更化之若從大戾驟返大和亦恐未遽得或漸大次徐變俟少久人與天地氣應乃更歸純古可爾延

鴻碩以倡構兮逝効工於更張即二裔金元之俗譜兮

鑄昌詞以雄莊給比問之小奏兮肇備部於下堂猗

帝德之夏殷兮般穆穆而鏗鏗誕光天之下兮至

海隅之蒼生吊幽明以效答兮郤六幕而同風遐休
嘉之弗呈兮抑玄文之或爽五耀潤於乾垣兮五財
理於坤軫河岳位而激靜兮四類效其靈命萬祗嚴

以衛釐兮魁魁伏而不肯民於變以時雍兮同虞方
而風動蓐王區之械櫟兮天命生於熙朝皇契道以
盡受兮非行違之異標器必蘊於徵庸兮志須亢於
沖遼愚幸賦此玄玄兮愕夫人之宅操潛茲未之或
悶兮令達又胡以宣驕已焉哉俗以勢而成世兮勢
以時而自然漏時勢以太順兮存茲道以為棧森三
端而翕張兮巨宇宙以推遷仰惠啣生於黔雷兮肯
棄受於崇園飛元靈於泰虛兮收萬實於甫田控大
一以貫之兮艘有無而齊詮撫群有以日用兮秉神
根之淵淵羨諸子之敏脩兮器交通而互全兆流歸

而皆海兮億管瞰而均天微無拂於風鳥兮碎或攝

於筵筭躡太乙於九宮兮丙離章於太玄機條條於

木獸兮數斤斤於銅丸灼莘降之非異兮易菽兵之

彘彘上四事謂諸葛公木牛馬張平子地抱鴻通以

欵塞兮疾細滯而浮漫悉蠹沙而願遂兮當豨楔而

不難惟無欺與至慈兮所不負於高旻坦詔鬼而交

神兮直衣焜而踐川譴凡夫之妄顛兮北二子以睽

分謂殊儒而端異兮繆世教而為三昔柱下用表而

存中兮師友于我文宣竺尊儲性道之本兮其何事

於嚚譎千門萬室橫六內兮朝蜚波而夕煙叩既尚

此皇符兮炬百幽而一焮戚城隍之湫仄兮救群蟲
之所廬解故蹤於黥垢兮翱洪翼於蒼墟榜脩雲以
爲輶兮結浩氣以爲輿並三辰以循紀兮極八遐而
同區暖晞髮于若搏兮夕留輶乎融都葶收前以道
轅兮誥玄冥使迎余召飛廉以興飈兮暈屏翳而滌
塗氛侵伏而淑朗兮恣余襟之所如翫群生之起滅
兮觀兩儀之渙儲朋山河以結解兮賓曜宿而盈虛
啣紫皇之默詔兮偕金女而同趨統父母於元氣兮
或天神而一衢問日月其何紀兮哈死生而焉殊真
一性以長覺兮去六凡而不居大哉余游奚適而奚
來兮馨焉往而不歸與

祝氏集卷第一

祝氏集畧卷第二

騷賦

訪隱

君不來兮何居蹇幽求兮山嶠空林兮出復入慨即
鹿兮無虞白雲兮朝飛紛紛木葉兮皆下望夕以歸
兮旦復吾駕君何居兮我行于野

思兒子歌

戊辰歲續
在南京

思兒子兮若孺時今而成兮吾誠熙吾誠熙兮有別
離有別離兮何遽見之人各有道兮道乘時道乘時
兮胡卹其私路曼曼兮望吾兒吾兒兮慰吾思

咎往賦

承五秀之豬委兮結昭質於堪輿遵先靈之下愛兮
童多識於明謨性空同而善受兮夙擇術而作圖蹇
皇命之涼塞兮猝罹弱極之萃誅繫忍性之應厲兮
出沫谷而躋遐衢皇不誘余以嘉道兮俾荒泆而縱
如高余譚之業業兮放趣指於靈虛曰玄化之齋齋
兮探三古之根株揭生人之元一兮徵泰始於百殊
謂芳蘭之已抽兮橫四海之荒塗謂鸚鵡與鸚鷄一
兮吾孰爲此梟鷲堅吾視之耿耿以獨諒兮任吾趾
之所趨迺卻東西行兮動格格其蹇而濡謂達視之

廣宸兮吾孰脩此維隅推真精以薄物兮物抗其廉
鏗而弗吾受衆支離其形身兮敗踵傷氣而弗已吾
誠不能匿志役氣以毀體兮惕白日以習犇走慕井
氏之崇簡兮曾不解拜跽之在手衆朋興而征榮兮
闡官人之能事信三生之欲義兮茲吾民之攸止蹇
吾力之未克兮服漆雕之本旨守窮廬之故脩兮繫
自淬以自噴諒通岐之莫容兮集有百之叢毀維經
緯之華業兮宿鑕切於腎腸或蝸蟪之時吟兮吾胡
計群蝨之吾妨圖脩娥之嬋媛兮婉燿燿其清揚忤
組纂之何紅兮而以來媚女之聚戕彼續綸以周章

兮競附麗為比周吾既託此孤標兮矢履坦而甘幽
絕憧憧之往來兮抱姬公之玄猷乃反以速咎兮將
弗任其譽尤嗟夫人之莫易知兮余乃有能乎是也
維蕭蘭之蕪畜兮曾無力於扶雍也亦疾亂之悰微
兮又潛化為冀也夫何物之難遷兮而彼乃以吾臯
也皇播氣以生民兮鮮渾元之通會民正命以虧偏
兮肆陽紆而陰悴紆多可以雍含兮悴熹刻削而善
制審余受之愆陽兮乃懷悃之散易撫岐路而裴回
兮意淹留而容泄非北南之勿辨兮曾失料之無幾
徇吾目之遼廓兮用吾心寵辱之細用徃徃以茲繇

兮婁以交手而窳事寓飲以葆淳兮流濡首之橫議
賤貨以廣道兮病泉刀之重累朝馳市以覓布縷兮
夕爭關而索米役潔質於塵泥兮對牛醫而校屠僧
識王生之米賈兮解平仲之踊對歸分食諸牛馬之
走兮獨高眠而養息童猶吁腹之弗克兮婢憎糲而
不食信烝烝之長勤兮余胡懟於斯職紛眾非之吾
出兮吾誠意阨而顏韞匪心席其不可卷兮日悠悠
而就惰頗余馬之玄黃兮柅余輶之輶軻吾既無藥
乎細行兮而復崇此大過怛雅烏之孰報兮恐豺獺
之辜我傷鵲鴝之終鮮兮冀睢鳩之永和撫群蟲之

有道兮吾負死於類保皇寧生以遽獮兮俾幡幡而
悔禍孔不咎既往兮嗟補過之有弘道心焦教以恠
慘兮氣遑迴而蔚蟠仰蓋玄之旻旻兮禮飛光願少
遄亂曰匪內訟難兮難其還兮皇母以金柅之復牽

罪賦

夫哀無文者禮之程也法在悃直或將鳴而強瘖之
亦過矣瘖而呻者人弗尤之矣因目其章曰罪賦
閔生平之靡延兮譖弁弱而百罹羗生初以無爲兮
爰即路而逢之降鉅割以瘖毒兮親再代而咸失抱
惇單而疇依兮瞻穹昊以不極彼百夫之完慶兮余

何尤以永感稽積譽而莫回兮中摧崩以顛頷扈麻
菅以脩號兮固九死其奚賒齊草木以覆載兮惟霜
霰之余慘願犇驅以及踵兮噴蹇子之霧昏恩言立
以有樞兮守隅庭而茂聞汨先操以干祿兮從揚名
之孝謀又道命之將廢兮重緯繡諸有司載終傲以
自華兮親無逮亦焉爲拊丁辰而儻徊兮恠於邑而
增尤惜逝日之勿再兮瘳忠信之弗脩揉異方之紛
敷兮牽百志以殊岐亮迅徑之蹶顛兮慮交手以失
斯衆續綸以干進兮競周容以務入錯登禾以蕭稂
兮將安析其貞慝帝錫余以潔昭兮薄汚溷而堅白

詹先民之好德兮揭神師之皇則羅琛寶之不靳兮
悵藏庾之周隔路曼眇以綿邈兮矢乾乾以終日繫
燕居而多慕兮澹周章乎東園睠芳嫿以晨耀兮湛
露斯以爲恩倏淒風以夕振兮拊繁榮以曷存惟何
物以特立兮印菅菅以瀕冤聰去哲之脩名兮躬已
往而不泯知時日以莫與兮惋隆污之同勤印孰惡
斯勤兮無他好以休也尊大中以前行兮完皇錫以
周畢也亂曰氣爲羸虧道不可移往者曠迷盍追于
來帝棲余宮余弗敢隳彼美人兮淵騫攜余以與余
同歸兮

傷賦

玄雲羃兮白日暄烏潛棲兮木葉交墜塗無人兮聞
然異世闔闔伏息兮曾不得以出氣目眈眈兮涕泫
泫傷哉厄兮厲熏心誰爲聖人兮無悶傷哉傷哉兮
誰侶此困

秋聽賦

詹旻天之沈濇兮旋素皇之金駟蹙百生以入機兮
惛慄慄而牢愁呖呖岬嶠以噫喻兮吹萬籟以戚號槁
柯戍削兮廢葉墮投濫泉湛縮兮寒澌咽流沙礫礫
礫兮城郭不周松檜苦篁兮蹇鶩以擎空巖唳鶴兮

猿狄嘯金石爭觸兮鏘戈矛顛商吐響兮悲音啁啾
群喙奪息兮噤噎以伏紛吾耳兮離騷憂皇命物以
元亨兮秋貽實以各正也吾成實以吾親兮成斯捐
而考終命也噴燠涼其序代兮往不返以長竟也魄
陽淫游兮地天夢夢肩然以默兮絕氣以聲吾焉求
兮投耳於玄清與黃寧白藏鳴以迎予兮四每值而
逖驚霰霜塞聰兮蕭蕭五兵剝膚切肌兮五衷震崩
欬爾嚴辭兮慨如慈音噍殺煩毒兮不知和平元間
閔而夷射錯參兮代惡有青陽與朱明匪秋之聽兮
秋入予聆蹇旬鏗兮聽希不得兮嗒然雷霆重曰聞
不耳兮秋不遷親之駕兮蓐收後先酷商日宣畢吾
年兮號哀寃

蕭齋求志賦

斐然自尚者亦靈區之助歟匪閔丘兮絕世猶先井
兮攸附帶邇郭兮成構挹遙垆兮爲趣雲岑列兮縣
邈芳洲緯兮縈互囂聲止兮層垣幽風暢兮洞戶碧
蘿交兮施宇紫莓團兮繡路虛泉鳴兮漱除淨壁晃
兮搖樹宵竹鏤兮黃月曉松沈兮蒼霧露旒蕃兮璇
綴霞標建兮錦傳擷芳馨兮蓀蔭玩耀奩兮磨兔肆
珍圖兮高張敞嘉名兮特署爾乃登丘陟墳沈章漂

句寶蔡子兮祕笈侍房君兮豐庫流璋琬兮華瑒絢
星河兮森聚苞周紘兮廣獵泝真源兮孤赴測潛機
兮太冲懸皇鑑兮鴻素抗五太兮齊襟拊百氏兮獨
步攬萬化兮棲臆操三才兮在馭於是謝將迎遺倡
和任簡傲安晏情九域蟣蠓萬類洩唾或同心兮晨
集羗佳人兮宵過蹇淹留兮夷羊聊從吾兮妥僮攬
蒙瀨兮齊塵侍周孔兮末座平伯禹兮後洛補皇媧
兮餘破摩丹霄兮鸚運函玄珠兮龍卧乃歌曰浮青
陽兮蕩素秋日月居諸兮與化同流今我不樂兮乃
將焉求歌已爰命樂童陳浩倡奏元間鳴清商極變
聲兮靡曼陶淫思兮太康余乃掩抑衆律孤引圓吭
凌青旻以飛嘯兮拚衆音而不揚操皇雅以獨鼓兮
寫神襟於混茫忽白日兮晝冥振衝飈兮襲堂川鱗
躍兮出潛霄翼接兮不翔吟九淵兮神蛟舞千仞兮
文鳳騰江河兮擊春盪泰華兮低昂斯時也獨御正
陽高犇物先呼吸罔象遨嬉泰玄與神明兮乘居視
蕭齋兮墨然

知秋賦

庚午六月丁未立秋其夕頓涼不俟一葉感淮南之
論稍爲賦之

逖陰陽之愆伏適儆予於茲歲伊蓐后之堅方獨秉
貞而不戾受帝命以握矩布金行於區內日耿耿以
謝炎風蕭蕭而助氣侍隸逸而卻扇閨媛戒於紉綴
聊閉關以偃息觀燒炬之可憇熹青蠅之斲遠悅玄
蟬之餘嘒雖序令其靡爽迺興悲而起噴信摯斂兮
致刑將違仁兮肅義劉百生以一媿易榮華而彫瘁
匪皇穹兮好殘繫舒慘其相倚始爲露以作霜睇堅
氷之必至感茲秋之旣知豈曰童心之傷逝

修夕詞

嚴冬窮兮夕氣脩月環輪兮遲不得周雞俟曙兮謂
跋不疾情曼曼兮其不可極握忠誠兮函元和氣意
多兮彌山河夕兮夕兮如何如何

蓮花洲詞

漾脩陂兮遵中流若有人兮在洲締昭質兮又好脩
美窈窕兮含靈思丹肌兮皓態芬習習兮襲蔭風微
褰兮碧裾水璫鳴兮玄珮淝泥兮滌瑕皎灼灼兮容
之華乘清風兮願舉飾帝冠兮峩峩帝命予兮沃心
呈予腹兮瓊琳彼調飢兮予哺予不愧兮荒之潯媧
妹兮鼓歌宓姬兮乘波伯倡兮予和君不樂兮維何

江洲書屋辭

拊長江兮安流高吾棲兮南洲榜蘭堂兮葯房締梓
軒兮桂樓石梁兮衡渠竹牖兮交疏涵清暉兮夕朝
汎靈華兮圖書芳何爲兮杜蘅躍何爲兮文魚淵淵
兮春瀾濺濺兮秋瀨寫聖襟於逝者蹇茲辰兮余慨
蛟龍起兮水增波挾浩漾兮俾滂沱濡焦槁兮蘇八
遐君不行兮如台何

龍歸辭

潘紫淵兮旋鯢惜洞房兮滌亡泥余蜿蜿兮顧而下
倏或躍兮以歸乘蒼雲兮驟綠霧泳天池兮擁曦輅
扣天門兮矯首逝擘瓊胎兮挾珍以嬉翔九縣兮多
靈娛穴泓泓兮閔沈虛霤爲膏兮露爲醴邦之富兮
稷蕤蕤腹肥兮蛟腥招鱈侶兮嘯螭朋媪縞袂兮倚
青巘燔金符兮望不可見扇神飈兮忽來滌氛妖兮
景光開紫葢兮黃蘿棲繚窈兮鼉集以歌睇故宮兮
幽幽君昔樂兮今我何憂巫屢舞兮鳴騶君歸來兮
無夷猶

一目羅賦

淮南子曰羅以多目故一目得禽今爲一目羅則安
得士余吊其語感之又感遂爲賦
虞則有羅鴛鴦之離彼萬其目一則不遺孰爲逸羽

方空是闕唐虞日百厥逸乃九夏商以倍周用千數
孰爲虞程張一覓萬孰有萬鳳雅烏莫算鳳巨弗闕
雅碎群入姑雅之獲寧鳳其失曷不干鑒伯益之術
羅兮曷一虞兮曷益鳳哉鳳哉曷入曷逸

懷遇賦

允明知命後始調興寧長憂虞不堪大方伯吳公拔
異幽側若重有可與者君子之知士無責報知於君
子必克報乃鳴則感槩蹈厲且有時窮遇輒鳴以永
懷有微勗之力焉故命以懷遇

觀性氣之生屬兮曾亡類而不邁援丹砂以脩年兮
去疾拔彼小草桓詎道於老馬兮越鼃式其武鬪玄
金收於陰石兮又曷用么膺而爰已嗟今之人兮謂
知曰昧繫蛟龍使守閹兮繡悅目而莫爲服被嗟蒙
之無肖兮肆汗漫以推鄙皇不余右兮俾嘉道之莫
予有耄顛頓趨以長物兮承事君子嗟茲之疾惡兮
固易忽以昧大人無我以博愛兮胡寵特乃吾以駟
駟顧伯樂嘶于駕兮金踊夫良治無熒而穀兮田莫
有滯穗懷哉至遇兮無稗以自棄

望韓

戊寅之歲四月十九日在潮州獨往謁文

公廟步浮梁百步方半當用舟渡風雨橫
厲江水洶怒素舟不可濟退俟橋尾風色
轉厲乃望拜而返寄言楚聲

驅塵轍以遵海兮踰三宿而宮未趨躡脩梁以東驚
兮羗中路而阻予淒零雨之蒙霧兮颺長號以頽怒
波峩峩其如擊兮予不知其戾之故屏息鞠脊以伏
處兮遲公怒之霽也久僮徊以抑厭兮曾弗少假以
濟也時旣暮而氣暝兮予猶懼鯁之至也乃瞻巖以
存清廟兮敬再拜以退止昔夫子悲孔之遑遑兮亦
既八千路以浮此道拙塗棘以趾蹇兮又何異夫小

子道故至難求兮予胡以萬里而爲易已焉哉童旣
白而日師兮依門墻而莫引君臣師友合弗易兮子
寧不與其潔以進慨旋轅於環堵兮吾見夫於無隱

蘇臺春望賦

蒼龍集于重光協洽郡國賓薦士會考言于春曹吳
興施子先三載已奏名春曹而未投策于天子庭
茲徃道蘇臺樂多賢友居乂之而行蘇之同人餞以
言曰春望之什允明年當首廼爲賦以叙屬錢子

凡別

則思思則望望亦多岐如茲別施子先分攜予徒望
之矣至于徒先集闕下望施子來施子亦應望端至
而遽予徒當又望予徒獲奏春曹予徒又望施子
首選于廷與自望幸而從施子後也望之旨如是

登高能賦臨別贈言况青陽兮獻歲將敷華于紫閣
六合齊風八表一雲吳州東西烝然同人若夫英莛
絢柯衝牙襲紳霜桐洗翠露桂凝熏服膺乎丘回尚
友乎雍騫分馨乎遷固擷芳乎機雲濯濯施子超哉
軼倫僕等末游乃際光塵松顏靜兮靡謝芝韻郁乎
恒新忽蘭襟兮中判慨葭姿兮失倚升崇丘兮寅餞
睇喬林兮榮始土花繁兮封級柔茸綠兮循址漾脩
波兮微穀揚芳颺兮蕤蕤警霸圖兮從王念縣金兮
莫擬與子期兮高明聊一盡兮吳醴乃歌曰契莫契
兮同心人思莫思兮遽離群望莫望兮共復集樂莫

樂兮 帝京春歌已下臺賡嘯逯籍南風甚競迤往
觀國

飯苓賦

僕少自三河歸蘇臺過首陽道且來陟降崇巖經行
喬林憇息旅痛因遂幽尋忽有見者埴壤墳起光氣
離竒封以英英之雲覆以九九之枝恍兮忽兮不知
其中之物爲誰也有仙人雲中來斲地而去迫而問
焉仙人告曰其爲物也出自松栳本乎膏液天和融
鬯地氣騰蔚凝脂之所滲漉流肪之所滴瀝始焉聚
沫終以成質積雪結皓靈砂貫赤柔匪若酥堅不及

石非附木而稱神未瑩膚而名珀此茯苓也言已而
逝僕恒識之昨日友人彭城子來謁請賦飯苓僕曰
子之飯奚如也曰始訐蠲痾后祈脩齡按玄經於炎
皇稽隱訣於初平廼察靈餌采植英或食熟或啗生
和雲威筐帶月入鐙剥膚乾蒸集露共烹浮浮兮蒼
霧之滃興襪襪乎皓霰之溥零或異製而單殮或它
劑以佐并於是垢腐刮焦府榮股肱疆中氣盈葆完
元淳開通神明將翔九寥而彫三精焉徵苓之勲亦
鉉哉僕曰然此亦子之讓辭也未究玄績吾聞李生
招譏於魏人陶子受餉於蕭辟雖梁國之籠有嘉必
牛溪之負斯極也彭城子腸杼文繡膺鏡日月幽馨
蘭芷溫理環玦淵騫授德商偃詒業故其嚅嚅以道
而服食以時匪損其疾乃觀厥頤寧舍龜乎周薇而
朶頤于漢芝乎藥國者旣奉其芳談易者亦受其幾
推繁華於寂寥兮保明愆於希夷敞志意而彊氣毋
兮康龔瞽於七之遺乘元精而上征兮諧洪化之無
私挽喬眈而游五泰兮與羲炎而一期即仙人之所
告也吾與爾縻之

棲清賦

茗施公悅民隱君子也身慮並清爲居以棲署曰棲

清乃爲賦云

何人區之寡潔乃靈駕之艱寄睇城市兮湫煩將蹇
裾而高逝無更從於彭咸憇先廬之不弊乃惟歸安
之邑眷茲大姥之墩梓桑樂鄉粉榆故門坦素履離
喧群抱玄璞揚幽芬高尚其志驩然願言集百勝以
爲居宮一畝而安儒廓以芳園䟽爲流渠山石犖确
草木扶踈韻爭高兮梅竹陰合秀兮蕉梧級甃爲梁
累磧爲島竒撫海外異拔霄表鶴鳴于臯魚在在藻
龜扶莖以巢蓮鹿交角而眠草若夫靚堂崇庶重軒
連楹臨以層臺敞以廣庭燠以曲館涼以丘亭左琴

右書前壺後甃鐘磬在懸戶牖有銘於是息廣胖凝
虛靈褫垢滓游神明偃仰至玄消搖泰冥燭造化之
樞灼萬物之情玩四聖之幽文研六編之遺經尋曼
倩十洲之詮覽伯禹山海之形遞鐘一鼓商歌數賡
煙霞爲之飛動日月助其光晶旣對聖賢亦多賓客
玉塵時揮卮言日出式燕且歌或射與奕客曰美哉
掌人之棲乎濁穢遠善哉掌人之清乎中外一請薦
署曰棲清庶斯名之賓實客有太原祝生嘉其旨因
稱曰印非正則兮皆濁而卜居印非湏無兮棄馬而
違邦泳黃生之平陂濯孺子之滄浪晞庶立之伯夷

符得一之昊蒼稱既題之屋墻以揚先生之耿光也

余侍御游靈巖賦

侍御桐城余君正德九年銜 勅按山東允明自京
師道天津遇之君道昨六月有二游之勝先靈巖院
次泰岱咸有詩記乃出卷鐙下疾讀信語可以張大
麗奇君謂余能賦之懼非目得蕪樸鄙當不稱謝而
君不可因稍獵文內次第排比一二為賦靈巖

秉豸斧以東按遵鯨浸而南驚幸豺迹兮云屏庶鹿

游兮能赴釋訶從兮岳震縱滕策兮巖步隄琵琶之

名巒憇遲賢之遺寓進賢亭訪盧生之靈洞盧景睇斬

公之殘句亭有碑宋斬八公受呂公藥術得仙於時

蒸澍驟訖微颺薄扇折旋曲阿拾級遙顛芳飄菲襲

岫接峯連走白足以導予投金宮而舍旃拊伏龜之

隕石味甘露之淵泉稱以白鶴卓錫亦二韻以紫蚓

鳴絃鷄鳴歌舞師象連蜷鷄鳴象師猱援予以升木

鵠矯羽而戾天木葉蓋以嶢巖草葱蒙而芊綿異種

之果比實莫名之卉交妍若夫檀楠被金瓊甍流翠

華樂借宮兜率移地則有五花澄明千佛般若靈藏

飛輪功德不瓦五花澄明千佛般若靈藏皆殿浮圖

數成以錐立崇榭九層而表跨三衣鐵食古鐵架裝

百碣薜稼西魏以來碑甚多歆曠翫之不厭頓流景兮渠夜

九十未家其曷能舍持椽炬以破冥覓輸般之幽駕

秉燭入魯班洞二鼓而出於是靈域畢呈玄襟獨寫吐納萬象沐

浴皇治答流雲而長嘯等群有於一咤且夫神可以

境怡俗乃用理化神區必名場平政則多暇匪王度

之晏熙豈探尋之斯假懷悽商兮潛襲驅予車而端

下

石林賦

震澤灑包山萃遙岳紘潛川鯀執琨沃瑤葩玳果瓊

區靈域玄真府仙室誰得而易宅也乃劉毛公泊焦

君子浮游汎覽中谷有士衡臯叵連隩澤徙倚其色

有皜其氣不滓弗仙弗凡爰踞爰止二真頰而疑擬

而謀叶曰异哉曷乎其孰恃而僭謚者歟山枝儒臞

經行焉真即以稽山枝儒臞曰天予之鍾地予之逢

淵詎馳驥柯莫棲鴻此其為物舍誕而不宮者矣是

故胄條金天字云敬夫丘壑結胸榦植立膚合萬砾

而猶林卧隻玉而成居彼此諧姿質名協符爾乃苗

引矸磷砥磻磧硤楨樹礫巖葉布磧礧璇蘭琳蓀琛

枕琬檜躬桓輯瑞以交拱祭戟列行而森衛聯广作

舍出雲為蓋繡丹薜以春榮層蒼莓而夏陰黃疑樵

以秋衰皓瑩雪而冬深甘露之漙乃其獸金陵之鷲
乃其禽若夫一拳莫減五車匪益花饒紫黛叢絕榛
棘鰲簪肖蓬萊之狀鷲羊剩長沙之跡風聲奪岫嘍
之響雨彩發南雄之墨謝彫楮之宋匠曠網瑚之海
客長不藉於秦鞭化無勞於皇叱蓋遵實而爲聲又
奚愧於煩嘖二真曰俞臞嘻未悉乃稱曰硜硜戒小
珞珞厲德孔絕磨磷莊尚堅白它攻存乎周雅介貞
著於姬易仙用儒梯物以道極此何人歟齊山作仰
喻景行以偕行體良爲身思其位而不出者也

南園賦

不逢年以千進依靈丘以肥遯違王侯而尚事聊消
搖兮無悶則有澗阿之間廬廣之前闢彼善壤繚之
長垣令流水以成池象洞天而爲山交蹊迂迤以午
達寬石陂陀而底安嘉樹并立名藹櫛植脩筠軒挺
豐蘿綿密四叙有接艷之葩比歲有連新之實枯栢
杉松枿欄梧桐文梓美漆高椅茂榕榆分光於星田
桂得種於月宮桃李兮成溝牡丹兮專叢海棠兮汎
殷階藥兮翻紅灼清漣之香蕖爛曲塘之金蓉帶以
鬚荇鋪以水蒨莫不陸陳亡厭水立靡窮千蕤萬萌
不可得而極諸其形容也至於桃杏梅李棗柿梨栗

蔗藕菱芰榛榘棗橘含桃枇杷龍眼崖密鳧茨鴨脚
雁頭湖目菰筍䟽脆薯蕷豐實爾其百喙歌春孤蟬
吟秋貴語雕籠之吉了巧轉碧陰之栗留或雒谷雉
或走置兔或屏隱孔翠或沙立鷗鷺或臯鶴和鳴或
麇鹿行顧大抵人場旣偏圍事聿周吳多名苑而茲
其特優歟夫辟疆專聲習氏遠稱金谷積麗離垢揭
清董廢闕以儒振陶日涉而趣成展也獨樂允矣莫
京掌人於此將攀轍而抗衡者邪况方之自南火離
攸奠類陽而明象文以顯雖因勢以就築亦可以物
而取諸遠矣於是度圖袂著筆硯張琴筑展壺箭流
吟嘯肆觴燕祛凡襟廓玄見如易賁于而有喜如詩
樂彼而不倦若是乎其陽明哉士安土爲君子儒其
文顯邪吾爲爾作逸民傳

一江賦

伊斯江之爲物也渾頊決漭泚潰滄澗混養瀛溟瀟瀟以狂
瀆滅澆澗以洶淙滔沔汭滿渤溟漫而澎滂浩浩湯湯
汪汪洋洋濛兮青蒼濛兮迷茫廓兮而康寔吐日吞
月漸玄瀆黃蓋自堪輿之開闢化機之翕張儵帝滌
源鑿混沌以利涉昊天設險畀聖明而爲防是以蕩
五嶺漂三湘帶吳楚襟荆揚拍蓮掌滋扶桑會地脉

兮連天潢浹兩儀兮洽八荒兼三才而共濟束一統
之華邦信矣天塹雄哉谷王所謂祖百川而父五湖
弟四海而兄三江者歟觀其千古之有常五彩之時
彰金焦相銜乎舳艫煙霞互織乎帆檣或扇以颯颯
則雷霆忽助其震盪或媚以晴旭則金碧緩搖其景
光或微生漸而冰花雪蘂激庶品之神爽或淨如練
而天經地緯開萬世之文章容成袖手以廢曆豎亥
趺足於窮疆璿璣玉衡雖虞廷之儀欲測和鈞闢石
計夏府之器難量涵泳四靈神出而鬼泆沉浸萬象
龜游而龍驤玄妃往來採明珠而拾翠羽法駕上下

乘清風而御陰陽至矣乎微妙理於蠶絲諒託始於
濫觴若夫蛟窟散處龍宮深構瑤房九重具闕雙輦
水精之柱駢立火齊之瓦鱗覆懸珠作燭梁飛萬萬
之月團絡寶爲簾簷走千千之星宿其下則有瑪瑙
碑礫琉璃珊瑚決銀汞以成池築璣璠而爲區五金
夜發競光華以呈乾后萬珍日產如沙礫之走坤輿
其上則有彌天作帷極地爲載遙岑輕沫卿雲微帶
月娥臨鏡以脩眉天女沐鬟而勻黛齊州回繞班班
九點之紫煙仙府平臨朶朶三霄之翠蓋其中則有
鯁鯉鱮鯨玉柱銀珰河伯導旗海客寄綃風從吹浪

之江豚雷應鏗鐘之蒲牢羲和鎔金沸洪鑪之衮衮
馮夷剪雪翻銀海以滔滔其傍則有蘆洲戰煙牙檣
插天葇笠鳥道燈火漁船風凝軟沙而鷺立兩滬厚
莎而鷗眠福地洞天巢鸞鶴以遐峙萍花荇葉映瀾
鴻而淪連至於龍堂曉雲僧艇暮月善才之石砥定
毘盧之閣嶸嶸郭賦鳴萬夫之喙陸泉激千人之舌
物遇之而拔凡品人鍾之而爲世傑邦家倚之而治
忽古今由之以興滅傳諸圖經登在國牒灑灑滌滌
未遑暇以殫說也若稽使君於斯奚取我契其大才
學志度是故語其才也如江之波東底瀛壺西起岷

峨蹙瑤花兮沓沓爍雪山兮峩峩飛濤濺空兮瀆于
堆之沫驚湍擊地兮旋無底之過撼紫皇之寶宮倒
織女之銀河無遠不至跬步數州之域有重必載鴻
毛萬斛之艦轟轟乎霹怒霆而迅驚電擾擾乎舞虬
蜃而飛鼉鼉通四夷之歸王象貝文犀湧梯航而霧
滃入九壘之貢賦錦衣玉食紛帆席以雲摩濟天下
兮往來又豈俟於盈科語其學也如江之瀾書名淮
東之院堂有富文之顏緝摹締聯梓雕銅刊六籍眎
奠百家周完富誇牛腰之軸勤助熊膽之丸口誦手
校左墨右丹滕萬口於千載據尺几而一觀若乃擬

其志高惟江有潮突乎其豪漉乎其遙萬流秋毫千
激斗筭莫不障而東之以會同而來朝垓北初分即
稱其拔萃汝漢旣決誰得而溷淆懷子胥之孤忠與
伯若而爲僚四瀆首推其廣大六合咸讓其并包方
其度洪惟江有容元氣流通乾坤混融衡截海內平
分域中際天淵於不二齊物我於大同引重致遠通
其變於不息含垢藏疾淨諸有於太冲高以下基當
其無有有之用滿而不溢天下莫與汝爭功大抵陳
事之方有通有會放之彌者收必密極其細者生乎
大如其大而不約恐華談之已泰故觀江之說則疑

其過夸審一之理乃識其非汰交助互益非人奚待
嘗試問於江靈察川勲之攸在是故符堅玩之而狼
戾江總恃之而顛沛壯從擊楫之祖生竒賞燒舸之
黃蓋三國鼎睨六朝遞代水無變於安危人每異其
利害其故何也誠以天謨地烈積久無託縣縣延延
數千百年必至於我 皇祖而始得其真宰也觀其
發祥於始蒙六飛之首渡創業於成遂九重之斯屆
煌煌漢闕日照而月臨蕩蕩堯衢乾覆而坤載然後
華夷一統長通道於安流河漢九霄恒效靈於上界
而有如使君者又復沐浴恩波漸濡天瀨握提巡之

專節守信誓之若帶志業浹內聲名溢外尚亦防之
有法而備之無懈俾外者無窮而內者不怠息揚波
而清水怪盪天驕兮淨紫塞甲兵洗兮玄圭拜旌功
進爵加祿賚家流國澤並汪濊一江晏然世永賴斯
名稱情乃無愧賦而颺之載采采

哀孝賦

允明與太學生無錫華雲從龍友雲母張夫人沒允
明以遠不能往相其喪或能有以發章母夫人賢爲
少以紓雲之至痛亦友道可爲而雲之志會雲示邵
林二尚書先生所爲誌銘及張都運與雲自述事狀

夫人賢節不勝舉其間備其孝事尤弘偉因掇叙大
概稍韻其詞以歸雲蓋識其大者可摸後來婦無徒
慟雲爾始雲外大父福州太守時敏以子幼用夫人
館雲父太學君時禎于室福州旣宦游夫人告時禎
請迎養舅姑乃白舅姑舅姑難之即時禎亦難之夫
人曰我得之也解飾首之資築室於石羊竟致之往
而覲饋隆於婦禮來而理職脩於家政於是舅姑夫
子宜於邇而父母安於遠又左右其孺弟弟已立旣
歸其政趣往事舅姑盡恒理舅姑後先沒相時禎送
死倍常力及喪福州時已于張家持服比在室曰身

始本在室禮與其常也寧厚姑之沒哭不絕聲或絕粒蓋三日而病比襄事毀如初加勞焉遂彌留以卒嗚呼女婦性多閹滯又沒世無姆教乏究明理道通達古事之功故自儒宦大家外凡女子嫁者輒忘其親時以歸寧飾儀文而已贅則視舅姑殆途人比安得有如華夫人之知識即知之梗焉弗能處也或曰知而克處者固有之或病於財不得以爲悅曰病於財已耳吾安得厚誣世以絕無若夫財不足以病知與處而不知與處也者抑多矣不賢華夫人得乎夫人之事豈獨二族儒宦教染以然固繇其性資凡其事蓋本之以仁裁之以知成之以勇是君子之三道者其殆庶幾乎近之者歟邵先生曰若人者從從皆義信矣夫然而總其實孝也故題以哀孝

皇播氣以降性兮無昭昧而必仁孰二道異夫成形兮可非孝而無親夫人旣抱此淑稟兮又申之以高慧靈荃粲其中秀兮函瑜琬之溫厲鏡皇倫之紛曠以相奪兮曷不善修以兼濟相先民之鴻訓兮女從人而無專建剛柔之弘義兮坤必求往而歸乾愾暮世之改度兮招靈脩使來贅旣天命之不諒以吾選兮吾敢怡天彛以人廢從移天於尊章兮胡有天而

弗戴諏靈脩其往請兮來胥宇而承饋尊曰惟我其
難之兮將緯繡而專戾豈道有窮於茲人兮繫弗觀
其通會攬旁塗於周行兮聿典禮之必行髮余首以
撤飾兮資構宇而導迎尊誠動而感誠兮爰居處以
胥寧止幹父蠱兮往帥婦經親謚于遐兮尊逸於庭
備連枝以丕植兮印也歸政肅褰裳以從尊兮脩日
事之有定尊先後以罹恤兮以襄事無或不信以不
誠逮顯父之繼恤兮服服與在室而同情亡於禮者
之禮兮因心從宜以有興恤復終我聖善兮我恫痲
益弗勝永號不粒性幾滅兮愚歎禮以忍生終靡支

於恒瘁兮奄溘死以遐征何女婦之必孝兮何行孝
必禮也禮有弗周於天常兮夫何善以義起也已焉
哉彼賦之慝兮用爽天明或察而固兮行靡有方相
古淑媛兮交馳並翔哀夫怛焉兮德在躬逝焉得世
姬兮皆華之儷匪女之程兮唯士之軌寧孝之至兮
引申長類臣完厥忠兮幼迪其悌孤慈友信兮百行
攸致一母之烈兮二族之燁用獨邦勸兮風暨四海
赫裨皇極兮完命于 帝錫爾不匱兮以引勿替

擬齊梁內人送別贈拭巾賦

初裁白紵白如霜舊遺團扇月含光紵拭不滅何郎

汗扇搖空想婕妤涼何如贈巾意勞君轉蕙腸若乃
龍胡交錯玉線綢繆輕挹珠散舒動蘭浮不忍挂匡
床詎忍委玉箱留取炎熱將歸去茱萸幔底拂鴛鴦

顧司封傷寵賦

滿不夕秦臺月聚不住楚觀雲雲彫月墮兮紅粉黃
塵於是緬邈宵情芊綿晝臆憐生信誓之留怨觸箱
奩之歷則有鈿釵孔翠繡領鴛鴦窻窺鸞照珮解風
篁髮燕草之碧絲臉越蕖之紅房望惑弓鞬兮隻脫
魂迷黼帳兮半張昔喻麗於群芳茲萃芳而何益悲
瑤草之不聲痛瓊華而無息苦莫苦兮斷知心悼

悼兮難國色撫幽棲兮淚盈巾傷四海兮無佳人便
為巫女終成夢便作姮娥有底親銀蠟九枝光綠沉
百和香香香不歇光光不滅瑤瑟鼓殘兮湘水
咽紫簫吹斷兮黃泉裂雖令魂返少君丹假使貌成
虎兒筆爭如歌出李延年會道佳人難再得



Vertical columns of text in a traditional Chinese style, likely bleed-through from the reverse side of the page. The characters are arranged in approximately 10 columns, with some characters appearing to be in a regular script (Kaishu) and others in a more cursive or semi-cursive style (Xingshu). The text is mostly illegible due to fading and the watermark overlay.

